

四庫全書

子部

欽定四庫全書

御定淵鑑類函卷八十一

設官部二十一

刑部尚書

侍郎附

刑部郎中

員外郎附

都官郎中

員外郎附

比部郎中

員外郎附

司門郎中

員外郎附

刑部尚書一

侍郎附

原杜氏通典曰唐虞之際士官以正五刑周禮秋官大司寇掌邦之三典以佐王刑邦國蓋其任也漢成帝時尚書初置二千石曹主郡國二千石又置三公曹主斷

獄後漢光武改三公曹主歲盡考課諸州郡政二千石

曹掌中都官水火盜賊詞訟罪法亦謂之賊曹重於諸

曹華譚集尚書二曹論曰劉道真問薛令長在吳何官

答曰為吏部尚書問曰吳侍吏部何如餘曹答曰並

通高選吏部特一時之俊劉難曰今吏部非為能刊虛

名舉沈朴者故錄已成人位處三署聽採公卿論而用

之耳無煩乎聰明賊曹職典刑獄刑獄難精是以欲重

之答曰今日之賊曹不能聽聲觀色以別真偽繇不能

斷讞之尚書也夫在獄者率小人在朝者率君子小

人易儉君子難精俱不得已吏部宜重賊曹宜輕也魏

青龍二年置尚書都官郎佐督軍事晉復以三公尚書

掌刑獄宋三公比部皆主法制又置都官尚書主軍事

刑獄領都官水部庫部功論四曹齊梁陳並有都官尚

書後魏亦有都官尚書北齊都官統都官

掌畿內非違得失

二

千石

掌畿外得失

比部水部膳部五曹又有三公曹掌諸曹

囚帳斷罪赦日建金鷄等事又掌五時讀時令屬殿中

尚書後周有秋官大司寇卿掌刑邦國其屬官又有刑

部中大夫掌五刑之法隋初有都官尚書開皇三年改

都官為刑部尚書統都官刑部比部司門四曹亦因後

周之名唐因之龍朔二年改刑部尚書為司刑太常伯

咸亨元年復舊武后改刑部為秋官神龍初復舊天寶

中改為憲部至德初復舊總判刑部都官比部司門事

增文獻通考曰宋刑部判部事二人以御史知雜以

上或朝官充淳化二年以刑部覆大辟案增置審刑院

知院事一人以郎中以上至兩省充詳議官以京朝凡
官充掌詳讞大理所斷案牘而奏之治所在右掖門

四方以刑獄來上則讞於審刑院大中祥符二年置糾

察在京刑獄司

糾察官二人以兩制以上充詳
正駁奏在京刑禁徒以上罪者

元豐三

年并歸刑部五年官制行刑部始專其官 續文獻通

考曰遼北面有伊勒希巴掌刑獄之事視刑部南面刑

部尚書下並同吏部 金刑部尚書一員正三品 元

制刑部尚書三員正三品掌天下刑名法律之政令凡

大辟之按覆繫囚之詳讞收孥產沒之籍捕獲功賞之

式寃訟疑罪之辨獄具之制度律令之擬議悉以任之

中統元年以兵刑工為右三部至元元年析置工部而

兵刑仍為一部七年始別置刑部尚書 明初沿唐宋

之制設刑部尚書侍郎之職掌天下刑名及徒隸勾覆

關禁之政令仍屬中書省洪武十三年革中書省陞六部每部分四子部刑部屬有四曰憲部曰比部曰司門部曰都官部二十三年因天下庶務浩繁改為十二部曰浙江江西福建山西山東北平四川湖廣河南陝西廣東廣西各令清理一布政司刑名等事其雲南布政司隸陝西部仍量其繁簡帶管直隸府州并在京衙門每部仍分憲比司門都官四科以領其事 永樂十九年定鼎北京革北平清吏司增置雲南貴州交趾三清

吏司 宣德十年革交趾司附浙江司帶管永為定制

尚書侍郎即大小司寇之職刑暴亂除邪說誅背逆黜貪濫弼教輔治使刑期無刑類非公明敬密者不足勝此刑部改置北京肇自永樂辛丑 原杜氏通典曰侍郎按周官小司寇中大夫蓋今任也後周依周官至隋煬帝置刑部侍郎唐因之龍朔二年改為司刑少常伯咸亨元年復舊他時曹名或改而官號不易掌律令定刑名按覆大理及諸州應奏之事 增文獻通考曰宋

侍郎舊制定奪審覆除雪叙復移放尚書專領之若制
勘體量奏讞糾察錄問長貳通治之中興長貳互置隆
興常置一員淳熙依崇寧專法奏獄及法令事請大理
寺官赴部共議 續文獻通考曰遼南面刑部侍郎同
吏部 金刑部侍郎一員正四品 元刑部侍郎二員
明刑部左右侍郎各一人

刑部尚書二

增左傳郊子曰爽鳩氏司寇也 周禮曰大司寇之職

掌建邦之三典以佐王刑邦國詰四方一曰刑新國用輕典二曰刑平國用中典三曰刑亂國用重典周官曰司寇掌邦政詰奸慝刑暴亂容齋隨筆曰易六十四卦而以刑罰之事著於大象者凡四焉噬嗑曰先王以明罰敕法豐曰君子以折獄致刑賁曰君子以明庶政無敢折獄旅曰君子以明慎用刑而不留獄噬嗑旅上卦為離豐賁下卦為離離明也聖人知刑獄為人司命故設卦觀象必以文明為主而後世付之文法俗吏

何耶 南史曰羊侃為都官尚書尚書令何敬容用事
與之並省未嘗遊造左衛蘭欽同侍宮宴詞色少交侃
於坐折之曰小子汝以銅鼓買朱异作父韋瓘作兄何
敢無儀適朱時在席後宦者張僧胤候侃侃曰我牀非
閹人所坐竟不前之時論美其真正 唐書崔隱甫潔
介自守以強正稱為刑部尚書帝欲相之因曰牛仙客
可與語卿常見否對曰未也帝曰可見之隱甫終不詣
他日又問對如初帝乃不用 言行錄王文正公曾在

審刑日建議違制無故失須親被旨乃坐罪未幾外郡有以具獄讞聞章聖俾以違制坐之公請以失論上可其奏東都事略曰宋燕肅字穆之知審刑院先是天下疑獄雖聽奏而州郡懼得罪不敢讞故冤獄常多肅建請諸路疑獄皆聽讞有不當者釋其罪自是全活者衆金史曰納哈塔椿年為參知政事薦赫舍里良弼才出已右用是為刑部尚書海陵曰左丞相張浩練達事務而頗不實刑部尚書羅索言行端正無所阿諂因謂

椿年曰卿可謂舉能矣常人多嫉勝己者卿舉勝於己者賢於人遠矣羅索良弼本名也元史曰阿魯圖平

章政事與僚佐議除刑部尚書宰執有所舉或難之曰此人柔軟非刑部所可用阿魯圖曰廟堂即今選僧子耶尚書欲其詳讞刑牘若不枉人不壞法即是好刑官何必求強壯人耶左右無以答明獻徵錄曰錢唐字惟明洪武中陳王道數千言雅稱太祖意特授刑部尚書一日召講虞書升座而講或糾唐草野不知君臣禮

唐正色曰以古聖王之道陳於陛下不跪不為踞 又
陸瑜為刑部尚書十五年明習法令而無煩碎之失練
達典章能斷大事 又杜銘改刑部尚書憲宗在位久
明習政事尤慎重刑獄公時教飭其屬吏以人命至重
勿以喜怒用法度足以正邦典而彰聖德一時用刑號
稱平允 又白昂陞刑部尚書心素厚斷獄不苛嘗曰
秋霜之肅何如春陽之和乎 又楊志學字遜夫遷刑
部尚書刑部獄詞既經侍郎詳定尚書多不覆視惟死

罪始自裁決公答以上皆親覽中涓有擊死官屬又不
赴逮者公奏置之法有鉅商犯法當死挾重貲祈少緩
其事不能得謂人曰楊翁無路可通也

以上
尚書

周禮曰

小司寇之職掌外朝之政以致萬民而詢焉 又曰以

三刺斷庶民獄訟之中 又曰正歲帥其屬而觀刑象

令以木鐸曰不用法者國有常刑令羣士宣布於四
方憲刑禁 唐職林曰有大獄即命御史中丞刑部侍
郎大理卿充謂之三司使 舊唐書曰奚陟字殷卿遷

刑部侍郎裴延齡惡京兆尹李充有能政專意陷害之
誣奏充結陸贄數厚賂遺金帛充既貶官又奏充比者
妄破用京兆府錢穀至多請令比部勾覆以比部郎中
崔元翰陷充且惡贄也詔許之元翰曲附延齡劾治府
史府史到者雖無過犯皆笞決以立威時論喧然陟乃
躬自閱視府案且得其實具獄上充得免元翰既不遂
其志因此憤恚而卒 唐書曰劉瑒遷刑部侍郎乃裒
彙敕令可用者由武德訖大中凡二千八百六十五事

類而析之叅訂重輕號大中刑律統類以聞法家推其

詳又柳公權為刑部侍郎召問得失因言郭旼領邠

寧人謂獻二女乃有是除信乎帝曰女自叅承太后豈

獻哉公權曰嫌疑間不可戶曉因引王珪諫廬江王妃

事是日帝命中官自南內送女還旼家東都事略曰

范百祿字功父除刑部侍郎有以強盜及故殺鬪殺情

可矜者讞於朝法官援例貸免司馬光曰殺人不死則

法廢矣百祿曰謂之殺人則可制刑而以為不疑原情

而以為無可憫則不可百祿在刑部用法多平反遷吏部侍郎言行錄張文忠公九成兼刑部侍郎一日法寺以成案上大辟公閱首末得其情因請覈實囚果誣服者也奏黜之時法官抵罰而朝論欲以平反為賞公辭曰職在詳刑而賣衆以邀賞可乎明獻徵錄曰衛道正德中累官刑部右侍郎清直之操終始不渝又

曰劉季篾為刑部侍郎獄多平反尤重人命

以上侍郎

刑部尚書三

增敬獄

正刑

周書云司寇蘇公式敬爾由獄以長我王國禮王制云司寇正刑明辟以聽

獄訟聽之於棘木之下以獄之成告於王

詰四方

弼五教

上見前二周禮唐常衮

刑部尚書制云弼我五教掌茲三典

詰姦慝

聽獄訟

周官云司寇掌邦政詰姦慝刑

暴亂下詳

覆獄獻欵

上疏激切

唐書曰劉詳道遷司刑太常伯

每覆大獄必獻欵累奏決之日為之不食又曰顏真卿為檢校刑部尚書永泰中元載引用私黨請百官凡欲論事必先白長官長官白宰相然後奏聞真卿上疏曰天寶以後李林甫威權日盛羣臣有不先咨宰相輒奏事者不過託以他故中傷猶不敢明約百司令先白宰相如今日之事曠古未有陛下不早覺悟漸成孤立矣其激切如此

斷姑鞭婦

議盜殺黨

又曰柳公綽為刑部尚書京兆尹有

姑鞭婦至死者府斷以償死公綽議曰尊毆卑非鬪且其子在以妻而戮其母非教也竟得減死言行錄曰宋韓忠獻公琦知審刑院先是盜殺同黨既自己就捕例不抵死公曰此但并有其貲或就減其口非有自新改過之心無足矜者請更議其法乃詔盜殺其徒黨而自首者毋得原

不撻令史無

黥命官

唐刑部尚書李日知在官不行撻撻而事集刑部有令史受敕三日遺忘不行日知怒欲撻之

既而謂曰我欲撻汝天下人必謂汝能撻李日知嗔受李日知杖不得比於人妻子亦將棄汝矣遂釋之吏皆感悅無敢犯者言行錄曰宋蘇頌知審刑院時知州張仲宣受財枉法抵死法官援前比貸死杖脊黥配海島公奏古者刑不上大夫今刑為徒隸恐汚辱衣冠仲宣由是得免杖黥止流海外自是命官無杖黥者

著座右銘

作期無軒

獻徵錄曰明端木復洪武中起授刑部尚書用刑本諸法律而

持以平恕嘗著座右銘曰為官實難貪然後安事有不
可急中存寬又曰心契上天腳踏實地又周雍陞刑

部尚書作期

學外舅為政與宰相爭議

金史曰越王永康功大

無軒自警

定十五年除刑部尚書上曰侍郎張汝霖汝外舅也可

學為政

又曰高德基字元履皇統中轉刑部尚書有

犯罪當死者宰相欲從末減德基曰法無二門失出猶
失入也不從及奏上曰刑部議是也因召諸尚書諭之

曰自朕即位以來與宰相爭是非者德基一人而
已自今部上省三議不合即具以聞以上尚書五

聽

八辟

周禮云小司寇之職以五聲聽獄訟求民情
一曰辭聽二曰色聽三曰氣聽四曰耳聽五

曰目聽

又云小司寇以八辟麗邦法附刑罰一曰議

親之辟二曰議故之辟三曰議賢之辟四曰議能之辟

五曰議功之辟六曰議貴之辟

小司寇

中大夫

又云

七曰議勤之辟八曰議賓之辟

小司寇之職掌外朝之政詳前一通典
六典云周之秋官小司寇中大夫

妙選道裕

宣授栖楚

唐書曰太宗時刑部侍郎有闕令執政妙擇其人秦聞皆不可上曰朕得其人矣往昔將

作少監李道裕議張亮反形未具此言當矣雖不即從至今追悔遂以此闕授道裕又曰穆宗寶歷初宣諫

議大夫劉栖楚為刑部侍郎丞郎宣授自此始

諫迎佛骨

奏斥伶人

又曰憲宗

時韓愈為刑部侍郎上遣使至鳳翔迎佛骨入禁中愈上表切諫 滬水燕談云宋元祐中駕幸凝祥池宴從

臣伶人以先聖為戲刑部侍郎孔宗翰奏云唐文宗時嘗有為此戲者詔斥去之今日豈宜有此詔付伶官於

理

無愧吾心

以資吏治

獻徵錄曰明廖莊字安止遷刑部侍郎客嘗滿座所

親或勸稍謝往來以遠嫌議莊笑曰臣門如市臣心如水吾無愧吾心而已又曰陳璋起刑部左侍郎日以

律法與諸屬講明故一時多以刑名著聞尚書聶賢撫其舊橐書諸梓名曰比部招議凡入仕者咸用以資吏治以

上侍郎

刑部尚書四

增嘉石肺石

周禮云以嘉石平罷民凡萬民之有罪過而未麗於法而害於州里者桎梏而坐諸

嘉石役諸司空以肺石達窮民凡遠近惇獨老幼之欲有復於上而其長弗達者立於肺石士聽其辭

正月觀刑象

又云正月之吉始和布刑於邦國都鄙乃縣刑象之法於象魏使萬民觀刑象

秋典

顏魯公集馮翊太守謝上表云
趙司秋典蓋嘗為憲部尚書

司臬

中興題名
設官分職

以司臬事

天臺刑官

歐陽謝表曰望峻天臺仍參刑官之重

典司邦禁

南豐

擬制中臺八座典司邦禁

貞正息妖

南史云徐孝克陳貞明元年入為都官尚書自晉以來尚

書官僚皆携家屬居省在臺城內下舍中門有閣道東西跨路通於朝堂其第一即都官省西抵閣道年代久遠多有鬼怪每夜昏之際無故有聲光或見人著衣冠從井中出須臾復沒或門閣自然開閉居多死亡尚書周確卒於此省孝克代確便即居之經兩載妖變皆息時人咸以為貞正所致

決事無留

唐書

曰李適之拜刑部尚書夜則宴賞畫決公務庭無留事

賜黃金腰帶

元史曰達爾瑪拜刑

部尚書國制新君即位必賜諸王駙馬妃主及宿衛官吏金帛達爾瑪曰必唱名給散無虛增之數國費大省帝復賜黃金腰帶以旌其能

老尚書誠不飲

又曰謝讓字仲和改刑部尚書仁宗即位

加諫議大夫入謝賜以卮酒讓痛飲之帝曰人言老尚書不飲何飲耶讓曰君賜不敢違也少頃醉不能立命

欽定四庫全書

卷八十一

扶出之翼日讓謝帝曰老尚書誠不飲也

刑曹不責稽遲

又曰仁宗朝以吏多滯事責曹

按不如程令下謝讓曰刑獄非錢穀銓選之比寬以歲月尚慮失實豈可律以常法乎乃入白宰相曰尚書言是也由是刑曹獨得不責稽遲

片言中理

獻徵錄曰錢如京字公溥弘治進士歷陞刑部尚書

端嚴寬厚臨大事決大疑片言中理朝野重之

遣賑賜詩

又曰李質字文彬洪武時陞刑部尚

書值山東饑遣質往賑賜以御製詩云遣卿持檄按山東念爾賢勞久著功經國老臣勤撫恤行天使者起疲瘡官儲有粟宜從賑囊橐無私任至公七十

白雲司

以上尚書

裴復除制云俾踐白雲之司以黃帝時秋官為白雲也

薦宰相材

張東之傳云狄仁傑薦東

之宰相材名為洛州司馬仁傑曰臣薦宰相而為司馬非用也乃授司刑少卿遷秋官侍郎

詳決

如神舊唐書曰王播字明敎轉刑部侍郎播長於吏術雖案牘鞅掌剖析如流點吏詆欺無不彰敗時天

下多故法寺議職科條繁雜備舉前後格條置之座右凡有詳決疾速如神當時屬僚歎服不暇薄

亡珠罪國史本傳曰宋呂公孺夷簡子字稚卿元祐初為刑部侍郎原廟亡珠繫治甚久公孺言殿中

主者不一前後代者未嘗以服御相授且諱日宮嬪往還不一有所亡失豈可指意吏卒獄雖具非聖裁不可

上深以為然上疏請例丁未錄曰范百祿遷刑部侍郎奏

以告執政言上有詔例在有司者悉取還中書百祿上疏論之悉如所請自是例歸刑部決獄與

執政議東都事略曰彭汝礪字器資元祐中遷刑部侍郎會有巨獄執政以為可殺汝礪以為不可與

執政異徙禮部侍郎犯在赦前元史曰曹伯啓字士開延祐中遷刑部侍郎丞相特們德爾專

政一日召刑曹官屬問曰西僧訟某之罪何為久弗治
衆莫敢對伯啓從容言曰犯在教前丞相雖甚怒莫之
奪也以

上侍郎

刑部尚書五

增歲明宣宗刑部箴曰聖人制刑輔治弼教掌邦之禁
惟仁之蹈咨爾刑部卿佐暨屬惟公乃明惟明能燭匪
廉弗公勉篤于行惟敬惟慎毋忘哀矜死獄求生何昔
之德移情就律何今之刻深文巧詆實民之賊如鑑如
衡刑乃弗忒毒威以逞下情鬱堙私意以行枉直失真

司命之寄豪絲罔僻罪疑惟輕庶鮮冤抑天不可違民
不可罔斷不可續應則如響往體予仁欽哉勿渝庶幾
祥刑有永令譽

增制唐李嶠授豆盧欽望秋官尚書制曰天作機衡實
惟北斗朕之喉舌其在南宮揆德而居非才莫可具官
豆盧欽望踐仁履義抱質含文出莅藩臬具聞威惠入
為朝諫多所弘益外府國泉雖藉幹用中臺天憲更資
明允宜膺尚德之舉令踐詰姦之位 蘇頲授李乂刑

部尚書制曰王命司寇汝作士師允迪政刑旁求望實具官李乂恒碣之寶衣冠之華業總四科才抱九德為邦理要洞入精微當代詞雄居成準的忠義得在公之體清脩稟行已之用紫泥掌誥雖密王言黃沙定罪是懸人命眷茲欽恤尤賴簡孚俾回迹於西垣宜正名於北斗賈至授房琯刑部尚書制曰蠻夷猾夏舜命繇作士棼功邁德黎民懷之周官大司寇亦以五刑糾萬民之命邦典定諸侯之獄明德慎罰先王至理具官房

瑄文行可濟於時直言能匡其國獻可替否翼亮先朝
今寇賊初滅蒼生凋弊議獄緩死刑期無刑是用採人
望於舊臣舉國楨於元老俾掌三典以弼五教庶不仁
者遠姦宄道消尚德優賢仍加八命 孫逖授裴敦復

刑部尚書制曰六卿分職朝選猶難三典佐王邦寄尤
重具官裴敦復深沉偉量磊落宏才頃者巡撫江徼肅
清姦宄功實簡心賞宜超等委之刑柄俾踐白雲之司
錫以身章更增金印之秩 杜牧授畢誠除刑部侍郎

制曰士師臯陶之恤刑司寇蘇公之用獄既盡哀敬能
致治平擢為大僚膺茲慎選具官畢誠學臻閭與文越
拘攣常以忠信用為前後爰自郎署擢居內庭謀議有
同於壽王奇異輒委於嚴助竭盡心力裨補機要既久
歲序須議遷陞是故用汝典予刑罰汝其往哉吾聞孔
子曰古之聽獄求所以生之今之聽獄求所以殺之宜
念格言深思倫要勉服休命以稱朕意

增狀宋吳永辭免除權刑部尚書狀曰臣欽聞出綍愧

若踐冰載念士官之所掌實於國脈而相關舜不賴臯
陶之明何以布好生之德周不得蘇公之敬安能審用
罰之中若冒司於臬事恐紛致於人言 又第三辭免
狀曰竊謂文昌高於法從憲章重於諸曹訟牒滋繁非
庸敏之才不足以剖晰情偽刑章紛委非諳通之識不
足以分別科條如某謾學綴文未諳讀律使之討論潤
色尚能奏薄技於詞林若曰糾禁議詢何以宅嘉師於
王國倘非遜避恐速顛隳

刑部郎中一

員外郎附

今分十四司

原通典曰刑部郎中按周禮大司寇屬官有士師下大夫蓋今任也漢尚書有三公曹後漢有二千石曹魏有都官曹皆掌刑罰獄訟之事

歷代沿革具尚書中

或為侍郎或置

郎中

例在吏部郎中篇

後周有小刑部下大夫屬秋官府隋初

置刑部侍郎煬帝除侍字又改為憲部郎武德三年改為刑部郎中龍朔二年改為司刑大夫咸亨元年復舊與侍郎同 員外郎 隋文帝置刑部員外郎煬帝改

為憲部承務郎武德三年改為刑部員外郎其後曹改
而官不易 增文獻通考曰宋郎中二人分左右廳掌
詳覆敘雪之事建炎時郎中二員職無分異紹興時詔
依元豐舊法分廳治事左以詳覆右以敘雪使官各有
守人各有見叅而任之 續文獻通考曰遼南面刑部
郎中員外郎並同吏部 金刑部郎中一員從五品員
外郎二員從六品主事二員從七品 元制刑部郎中
二員員外郎五員後省為二主事大德三年置司程官

四人 明刑部其屬浙江江西湖廣陝西廣東山東福建河南山西四川廣西貴州雲南十三清吏司各郎中一人主事二人添設司主事一人漕運理刑主事一人各掌其分省及兼領京府直隸之事以贊尚書凡宗室勲戚官吏軍民蠻夷麗於法者詰其詞察其情偽而比其罪之重輕必傳律例律六百有六條例凡三百七十有六條律例所不及者比而議請焉

刑部郎中二

增職類云魏有定科郎晉賈充定科令以裴楷為之

九朝通略云元祐元年三省言中書置刑部檢例官從之獨刑部郎劉賡上疏言元豐官制以例藏刑部可比則取鈔不可則取旨今中書置刑房檢官非故事也詔如所請而例復藏刑部自是中外奏讞無所避矣長編曰韓晉卿擢刑部郎中天下大辟請讞執政以為煩將劾不應讞者晉卿適白事省中因曰讞不至矣議者欲天下獄悉從奏決晉卿曰恐罪人之死於獄多於伏

辜者皆從之 金史曰賈少冲字若虛大定中累遷刑

部郎中往北京決獄奏誅首惡誤牽連其中者皆釋不
問全活凡千人以本職攝右司員外郎嘗執奏刑名甚
堅既退上謂侍臣曰少冲居下位有守如此 又張汝

霖少聰慧父浩嘗稱之曰吾家千里駒也大定中除刑
部郎中召見於香閣諭之曰卿以待制除郎中勿以為
降朕以刑部闕漢官故以授卿且卿入仕未久姑試其
能耳如職事脩舉當有陞擢爾父太師以戶部尚書陞

諸相位由崇德大夫躡遷金紫卿所目覩也當既厥心

無忝乃父

又卜天璋字君璋仁宗召入見時興聖太

后在座帝指曰此不貪賄卜天璋也因問今何官天璋

對曰臣待罪刑部郎中復問誰所薦者對曰臣不才誤

蒙擢用帝曰先朝以謝仲和為尚書卿為郎中皆朕親

薦也汝宜奉職勿怠即以中書刑部印章付之 獻徵

錄曰明魯翬字時升為刑部郎中時或語以一造大臣

門公卿可立致公笑而不應其執法未嘗少徇或謂非

保身保家之道公曰吾所知者法耳他非所恤也 又

詹鼎字國器洪武中為刑部郎中刑部佐僚未完有司
請除吏丞相曰刑部有詹鼎在勝百輩其見稱如此

又朱恩字汝承遷刑部員外郎居官遜志吏事不通問
謁出入局節門戶有關門朱郎中之稱至聞於孝皇

又杜銘字敬脩景泰中歷階刑部郎中他司郎中缺嘗
兼領其事至晚他司吏往往抱三四印歸公家公愈謙

退不伐衆益賢之

以上郎中

唐職林云有大獄以刑部員

外郎御史大夫大理寺官為之以決疑謂之小三司使
天中記曰唐德宗時盧南史坐事貶信州司馬至郡
准例得聽吏一人每月請紙筆錢一千文刺史姚驥初
奏以為贓又劾南史買鉛燒黃丹德宗遣御史鄭楚相
刑部員外郎裴澥大理評事陳正儀充三司同往按鞠
裴澥獨奏曰臣按姚驥奏狀事非巨蠹上曰燒鉛何如
澥曰燒鉛為丹格令不禁今忽錄此小事令三司使往
恐遠方聞之各懷憂懼臣堪任此行即請獨往德宗欣

然曰卿言是矣 又令狐峘大厯中改刑部員外郎德宗即位將厚奉元陵峘上疏諫略曰臣讀漢書劉向傳見論王者山陵之誠良史稱歎萬古芬芳詔答曰朕頃議山陵心方迷謬卿聞見該通識度弘遠深知不可形於至言非惟中朕之病抑或成朕之躬免朕獲不予之名皆卿之力也敢不聞義而徙牧之桑榆奉以始終期無失墜古之遺直何以加焉 金史曰韓鐸字振女企先次子也遷刑部員外郎海陵遣中使諭之曰郎官高

選也汝勲賢之子苟能夙夜在公當不次擢用雖公相
可到鐸感奮獄或有疑據經議讞獻徵錄曰吳一鵬
武宗時為南刑部廣東司員外郎司事最劇而公詳敏
仁恕囚皆感服僚友取獄詞讀之驚曰老吏筆也又
何喬新字廷秀改刑部主事盡心庶獄無大小必求其
情遷廣東司員外郎錦衣衛隸廣東司其官校特侍衛
親軍恣橫冒禁法司每優容之公曰法者天下之公也
有犯輒捕不少貸由是官校悚懼相戒不敢犯又陳

璋字宗獻授刑部主事時司寇張公子麟精法律屬多難之璋曰士而不讀書謂之廢學官而不讀書謂之曠官況生死人乎乃研求法意至忘寢食有疑難親為註解遂以法家名歷員外郎中有恤刑錄行於世

以上員外郎

刑部郎中三

增掌律法

治獄事

唐書曰郎中員外郎掌律法按覆大理及天下奏讞為尚書侍郎之

貳

中興題名云刑部掌天下刑獄之政令而郎中員外郎分治其事

白雲司職

丹

筆議刑

牋表類丹筆議刑國網所重白雲司職人命是懸

五禁

四難

周禮曰士

師之職掌國之五禁之法以左右刑罰以五戒先後刑罰毋使罪麗於民元稹行馮宿刑部郎中制曰丞則

失情緩則留獄深則礙恕縱則

硬黃板陳

獻徵錄曰黃紱

失姦惟是四者持刑之難也

字用章正統間為刑部郎中時人以硬黃目之又曰

陳道字德脩歷員外郎郎中清謹守法門無私謁都人

因有板

郎位不調縣官即除

唐書曰蔣沆以刑部郎中兼侍御史元載

陳之號

持政守道士類不遷沆以故滯郎位不調常袞代相聞

士議恨沆屈故擢御史中丞金史曰楊邦基字德茂

嘗為高密令大定初尚書省擬邦基刑部郎世宗曰縣

官即除郎中太師張浩曰邦基前為兵部員外郎矣且

其人材可

士師下大夫西曹外翰林

上詳郎中一客燕離記

用上許之

云嘉靖間李攀龍王世貞徐中行輩俱官西曹相聚論詩建白雲樓於四川司中榜諸君詩李警句云諸山城

上出落日署中寒時人目刑部為外翰林以上郎中

披閱成牘 考鏡古行

遼史曰葉肯圖兩廸音字太初擢刑部員外郎四方所上獄反覆披閱成牘多所平反 獻徵錄曰楊果字實

夫陞南刑部員外郎比情執法不避權貴 政暇閉戶讀書并稽古行實以自考鏡

號七才子

掌三法司

又曰梁有譽字公實歷刑部主事負英涵峻發之才與李攀龍輩號七才子 又曰

楊茂元字志仁授刑部陝西司主事練習法比大司寇林公聰大器之部政有干三法司者悉令兼理人謂之

掌三法司

蓋慎選也 不換省郎他職 當知國朝舊典

宋至道初張昱

為刑部員外郎西川安撫奏云望授昱諸司使知雅州上以省郎之重不欲換他職故進秩加賜命服而遣 獻徵錄曰明陸瑜除刑部山西司主事尋遷員外郎時郎中仲閔每舉洪武永樂間法比沿革告公且曰子他

日必大用不可不知國朝舊典也故公於律例條格究心焉及公大用每舉仲君之言戒勵屬官以上員外郎

增制唐杜牧授李朋刑部員外郎李從晦都官員外郎等制曰書曰庶獄庶事予罔敢知此乃周文王之所以理天下也惟獄惟事會於南宮求郎之難豈敢輕易具官李朋能積行實發其詞華勁正端慎官業克舉具官李從晦宗室子弟美秀而文嘗經磨涅不改堅白今者取自憲府擢於幕吏各有所受皆為清秩當自宣室受

讞之際思滿堂飲酒之言至於刑章尤繫念慮予曰罪爾勿罪予曰寬爾勿寬問法何如無即上意各宜勉勵勿自輕怠

都官郎中

員外郎附

原杜氏通典曰都官郎中按漢司隸校尉屬官有都官從事掌中都官不法事後漢又改尚書二千石曹掌中都官水火盜賊魏青龍二年始置尚書都官郎佐督軍事晉宋尚書都官兼主刑獄

歷代事具尚書中其官例在吏部郎中

後周

則曰司厲隋初為都官侍郎掌簿錄配役官司奴婢良賤訴競俘囚等事煬帝除侍字置員外二人武德三年加中字減一人龍朔二年改為司僕大夫咸亨元年復舊掌簿歛配役官奴婢簿籍良賤及部曲客女俘囚之事員外郎按周官有司厲下士蓋並今任也後周依馬隋改置與戶部同增六典曰後周置司隸掌諸奴男子入於罪隸女子入於舂饘音熾之事即今都官之任也唐書曰都官郎中員外郎掌俘隸簿錄給衣糧

醫藥而理其訴寃 南部新書省中司門都官屯田虞

部主客皆閒簡無事諺曰司門都官屯田水部入省不

數 唐分紀鄭谷為都官郎中作詩自賀且為序云故

許昌薛尚書能嘗為都官郎中後數歲故建州李員外

頻自憲府內彈拜都官員外郎皆一時騷雅宗師都官

之曹振盛於此余早年請益實受深知今忝此官復是

正秩 詩話鄭谷詩名盛於唐末號雲臺編世但稱鄭

都官詩梅聖俞官亦至都官劉原父戲之曰聖俞官止

此昔有鄭都官今有梅都官 文獻通考曰宋都官掌

在京百司吏職補換更替或以功過展減磨勘則依條

制行之諸路州軍編配羈管等人置冊以記其在亡建

炎三年詔比部兼司門隆興初詔都官比部各置一員

自此都官兼比部司門之事 彙苑詳註宋都官判司

事一人以無職事朝官充凡俘隸簿籍分領於他司本

司無所掌元豐改制郎中員外郎始實行本司事叅掌

徒流配隸及吏籍之事列案四軍將案吏籍案配籍案

知雜案 宋周益公集建炎初滕庾擢都官員外郎時
庶事草創賞功補副尉者不可勝計以致是非混淆公
於是隨事爬梳聞諸朝嚴其籍 明制見尚書內

增詩唐鄭谷詩曰都官雖未是名郎踐歷曾聞薛許昌
復有李公陪雅躅豈宜鄭子忝餘光榮為後進趨蘭署
喜拂前題在粉牆他日節麾如可繼不嫌曹冷在中行

比部郎中

員外郎附

原杜氏通典曰比部郎中按魏尚書有比部曹晉因之

宋時比部主法制齊梁陳皆有比部曹後魏亦然北齊掌詔書律令勾檢等事後周曰計部中大夫蓋其任也隋初為比部侍郎煬帝除侍字武德中加中字龍朔二年改為司計大夫咸亨元年復舊天寶十一年又改比部為司計至德初復舊掌內外諸司公廨及公私債負徒役工程贓物帳及勾用度物員外郎改置與戶部員外郎同增魏志何損之奏許都賦魏明帝奇之擢為比部郎國史補比部得廐下食以飲從者號比

盤 唐制天下財賦皆納左藏庫大府四時以數聞尚

書比部郎覆其出入 續會要比部掌勾籍天下文帳

周官宰夫所謂乘其財用之出入也 唐德宗知武元

衡才名召授比部員外郎 尚書故實杜牧頃於宰執

求小儀不遂請小秋又不遂嘗夢人謂曰辭春不及秋

昆脚與皆頭後果得比部員外郎 文獻通考曰宋比

部掌勾稽文帳周知百司給費之多寡凡諸倉場庫務

收支各隨所隸以時具帳籍申上比部驅磨覆審而會

計其數諸受文歷每季終取索審覈事故住支及贓罰
欠債負則追索填納無隱昧則勾銷除破 彙苑詳註
宋比部判司事一人以無職事朝官充凡勾會內外賦
歛經費出納逋欠之政皆歸三司勾覆磨勘理欠司本
司無所掌自治平至熙寧錢帛芻粟虧損不可勝數遂
置提舉帳司領之元豐官制行釐其事歸比部郎中員
外郎始實行本司事列五案勾覆案磨勘案理欠案憑
由案知雜案建炎三年詔都官郎中並權比部郎中

明制見尚書下

增詩唐杜甫贈比部蕭郎中詩曰有美生人傑由來積
德門漢朝丞相系梁日帝王孫蘊藉為郎久魁梧秉哲
尊詞華傾後輩風雅藹孤騫宅相榮姻戚兒童惠討論
見知真自幼謀拙愧諸昆漂蕩雲天闊沈埋日月奔致
君時已晚懷古意空存中散山陽鍛愚公野谷村寧紆
長者轍歸老任乾坤

增制唐劉禹錫授比部郎中制曰敕周以司會質歲成

漢以計相經國用或考百官之要或制三年之期稽以簿書辨其名物俾夫會算必得經費無差充選望郎以臨計吏 崔嘏授李渾比部員外郎等制曰敕具官某等台庭積慶文苑馳聲頗聞編軸之功雅得副車之體綱曹妙選粉帳華資方承綵服之榮共許應星之美為郎匪因於父任題柱自秦於帝知勉服鴻休更觀驥騁

司門郎中

員外郎附


原杜氏通典曰司門郎中按周禮地官有司門下大夫

掌授管鍵啓閉歷代多闕至後周依周官隋初有司門
侍郎煬帝除侍字武德三年加中字龍朔二年改為司
門大夫咸亨元年復舊掌門籍關橋及道路過所關遺
物事 員外郎 按周官有司門上士後周依焉後改
置與戶部同 增天中記曰唐李林甫開元中遷太子
中允時源乾曜為侍中乾曜之男潔白其父曰李林甫
求為司門郎中乾曜曰郎官須有素行才望高者哥奴
豈是郎官耶哥奴林甫小字也 又唐劉迺大歷十二

年詔拜司門員外郎十四年崔祐甫秉政素與迺友善
會加郭子儀尚父以冊禮久廢至是復行之祐甫令兩
省官撰冊文未稱旨詔迺至閣草之立就詞義典裁祐
甫歎賞之遂擢為給事中 文獻通考曰宋司門掌門
關津梁道路之禁令凡所過官吏軍民商販出入稽其
詐偽 明制詳尚書下

增記唐權德輿司門員外郎壁記曰周官司門為司徒
之屬今為司寇之屬員外郎於周為上士後數更其名

至隋為承務郎武德初方定為今制秩從六品上士凡自漢魏以還典曹理事雖時有污崇官有輕重或百職耗廢雜而多端而郎位皦然未嘗有鹵莽進越非其任者蓋宗公貴仕多由此塗出所以儲時才練官業必於是焉方今車書尉候通道旁午而斯任尤劇至若門關出入之籍設險閑邪之義譏而不征守而不素列在令典端如貫珠故可略於此仲侯以故志屋壁之隙欲壞磨滅使鄙夫書而補之



御定淵鑑類函卷八十一

欽定四庫全書

子部

御定淵鑑類函卷八十三

詳管宗人府丞臣寶光馬

主事臣祁韻士覆勘

總校官檢討臣何思鈞

校對官助教臣金光悌

謄錄監生臣吳裕昆

欽定四庫全書

御定淵鑑類函卷八十三

設官部二十二

工部尚書
員外郎附

侍郎附

工部郎中

屯田郎中

員外郎附

虞部郎中

員外郎附

水部郎中

員外郎附

六部監門

六部祭閣

六部司務

工部尚書

侍郎附

原杜氏通典曰周禮冬官其屬有考工掌百工之事曰

國有六職百工是其一焉漢成帝初置尚書有民曹主

凡吏民上書後漢光武改民曹王繕脩功作鹽池園苑

魏置左民尚書亦領其職晉宋以來有起部尚書而不
常置每營宗廟宮室則權置之事畢則省以其事分屬
都官左民二尚書北齊起部亦掌工造屬祠部尚書後
周有冬官大司空卿掌五材九範之法其屬工部中大
夫二人承司之事掌百工之籍而理其禁令至隋乃有
工部尚書統工部屯田二曹蓋因後周工部之名兼前
代起部之職唐龍朔二年改工部尚書為司平太常伯
咸亨二年復舊武后改工部為冬官神龍初復舊總判

工部屯田虞部水部事 增文獻通考曰宋制工部判

部事一人以兩制以上充凡城池土木工役皆隸三司
脩造按本曹無所掌元豐官制行尚書工部掌天下城
池宮室舟車器械符印錢寶之事百工山澤溝洫屯田
之政令是時尚書猶未除人紹興三年并少府監歸工
部以文思院屬焉建炎并省將作少府軍器監并歸工
部是時營繕未遑惟戎器方急紹興二年詔於行在別
置作院一所專打造器甲令工部長貳專一提點郎官

逐旬點檢少府監既歸工部文思院上下界監官並從本部辟差又詔御前軍器所隸工部自是營造稍廣宰臣議戶部以給財為務工部以辦事為能誠非一體欲令戶部兼領其事上雖然之卒未能合隆興以後宮室器甲之造寢稀且各分職掌而起部之務益簡特提其綱要焉分案六曰工作曰營造曰材料曰兵匠曰檢法曰知雜舊又專立一案以御前軍器案為名 續文獻通考曰遼北面以宣徽北南二院掌御前祇應之事視

工部南面工部尚書下並同吏部 金工部尚書一員

正三品掌脩造營建法式諸作工匠屯田山林川澤之
禁江河隄岸道路橋梁之事 元制工部尚書三員正

三品掌天下營造百工之政令凡城池之脩濬土木之
繕葺財物之給受工匠之程式銓注屬院司匠之官悉
以任之中統元年右三部置尚書二員至元元年始分
立工部尚書 明初沿唐宋之制設工部尚書侍郎之
職掌天下百工山澤之政令仍屬中書省洪武十三年

革中書省陞六部每部分四子部工部屬有四曰營部
曰虞部曰水部曰屯部二十九年改營部為營繕虞部
為虞衡水部為都水屯部為屯田俱稱清吏司永為定
制工部尚書侍郎即大小司空之職其改置北京肇自
永樂辛丑其總督易州山陝肇自宣德五年嗣後或改
置沙魚口清縣尚書侍郎主事實多至嘉靖六年尚書
劉麟議題裁革不設 原杜氏通典曰侍郎隋煬帝改
置工部侍郎唐因之龍朔二年改為司平少常伯咸亨

元年復舊他時曹名或改而官不易掌興造工匠諸司
公廨屋宇五行並紙筆墨等事 增文獻通考曰宋侍
郎南渡初長貳互置隆興詔各置一員 續文獻通考
曰遼南面工部侍郎同吏部 金工部侍郎一員正四
品 元制工部侍郎二員 明工部左右侍郎各一人
易州廠侍郎一人

工部尚書二

增左傳曰鴈鳩氏司空也 周書曰司空掌邦土居四

民時地利 尚書大傳曰溝瀆壅遏水為民害田廣不

壅則責之司空 白虎通曰司空主土不言土而言空

空尚主之況於實乎 環濟要略曰冬官司司空掌邦事

營城郭都邑立社稷宗廟造塋宅器械監百工 典略

曰禹為司空披九山通九澤決九川使各以其職來貢

地方五千里至於荒服 尚書刑德考曰禹長於地理

水泉九州得括象圖故堯以為司空 類要曰工部尚

書周之冬官卿也 齊職儀曰宋以武公之諱改司空

為司城楚改司空為莫敖 家語曰孔子初仕為中都

宰二年定公以為司空乃別五土之性而物其所生之

宜咸得厥所 隋書曰長孫平字處均為工部尚書名

為稱職時有人告都督郇紹非毀朝廷為憤憤者上怒

將斬之平諫曰川澤納汙山岳藏疾臣願陛下以山海

之量茂寬裕之德於是赦紹 宋周平園集張忠簡公

闡擢工部尚書兼侍讀初上用真宗故事命經筵官二

員遞宿學士院朝夕宣召商確古今諮訪政事公入對

尤數知無不言屢引疾丐閒上曰朕所以知外事皆賴
尚書相從已久忍言去耶 元史曰吳元珪字君璋遷
工部尚書連年水旱五穀不登元珪言春秋之義以養
民為本凡用民力者必書蓋民力息則生養遂 明獻
徵錄曰杜銘遷工部尚書故事拜尚書者率上疏禮辭
公曰事君貴誠虛讓非禮也獨不辭 又曰秦逵陞工
部尚書帝以古帝王廟地界通衢褻而不嚴乃徙建於
欽天山之陽逵奏廟功成自三皇五帝繼以三代兩漢

唐宋元勲碩德比侔者列像於庭衮冕輝煌上甚嘉之
以上
尚書 唐書曰李栖筠字貞一為工部侍郎關中舊仰

鄭白二渠溉田而豪戚壅上游取磴利且百所奪農用
十七栖筠請皆撤毀歲得租二百萬民賴其入 山堂

肆考曰宋太祖重惜名器時錢昱自白州刺史求文資
得秘書監遷工部侍郎太祖以其連典數郡無治聲謂
宰相曰此貴家子不可以任丞郎改遷郢州團練使

金史曰張九思字全行改工部侍郎所守清約然急於

進取一切以功利為務率意任情不卹百姓 元史曰

董文用字彥材丞相安圖奏為工部侍郎代赫舍哩赫舍哩阿哈瑪特私人也其徒既讒間安圖罷相即使鷹監奏曰自赫舍哩去工部侍郎不給鷹食鷹且瘦死帝怒促召治之因急捕文用入見帝望見曰董文用乃為爾治鷹食者耶置不問 明獻徵錄曰趙榮字孟仁景泰中遷工部侍郎張秋河決命榮董治之卒復故道天順初陞本部尚書曹欽犯闕榮率子弟助官軍致討兼大

理卿 又曰張達弘治中擢工部右侍郎純樸不事表
飾晚年言官有論其禮儀麤率者達方對客聞之笑曰
我固麤率人言者之論諒哉其性度渾厚類如此 又
曰趙璜字庭實擢工部侍郎奏毀鎮國府元明宮及諸
權姦廬舍以備國用陞本部尚書

以上
侍郎

工部尚書三

增共工 宏父

虞書帝曰疇若予工僉曰垂哉帝曰俞
咨垂汝共工 周書宏父定辟注云宏

父司
空也

宅百揆

居四民

虞書咨四岳有能奮庸熙帝
之載使宅百揆亮采惠疇僉

曰伯禹作司空帝曰俞咨禹汝平水土惟時懋哉

周書司空掌邦土居四民時地利

屬有四

工居一

唐百官志云工部尚書一人侍郎二人掌山澤屯田工匠諸司之事其屬有四曰工部屯

田虞部水部

考工記云

巧過人

名稱職

陳書曰

國有六職百工與居一焉

惟叙百工

尤難六

為起部尚書巧思過人軍國器械多所創立

見上二隋書

職記室新書曰五材是宜百工惟叙城郭都鄙定其規

士農工商得其所

唐大詔令曰程品之重有若百

工號令之先

樂賢下士

率屬程工

唐書曰于休烈為工部尚書不

尤難六職

治產業樂賢下士推轂甚衆

白居易行韋貫之制曰

尚書漢公卿也言動可否屬人耳目固不專於率四屬

程百工修位

官當玄武

屬以文思

唐張鷟集曰位當玄武之官職

於冬官而已

在司空之任虞舜之代伯禹統其班成周之朝毛公處其位山堂肆考曰宋紹興三年并少府監歸工部以文思院屬焉按文思院太平興國三年置蓋造金銀犀玉工巧之物金線繪素裝鈿之飾以供輿輦冊寶法物之用舊屬少府今以少府監并於工部故文思院監官乃令工部辟差

功役齊舉民

物自輸

金史曰劉瑋字德玉大定中河決於衛詔瑋兼工部尚書往塞之或謂天灾流行非人力所能

禦惟當徙民以避其衝瑋曰不然天生五材遞相休旺今河決者土不勝水也俟秋冬之交水勢稍殺以漸興築庶幾可塞明年春瑋齋戒禱於河功役齊舉河乃復故明獻徵錄曰周用字行之遷南工部尚書工部市物於民吏受賂率先給直而故緩其入黠賈者因據以為利用令民有物得自輸輸已授之直自後弊頓革

非義不可干 雖老尚可用

唐李大義為工部尚書性忠謹外若不能言而

內剛烈不可干以非義 獻徵錄曰龔宏字元之成化進士武宗南巡江彬沿途索賂宏時為副都御史一無所與因譖宏老上曰宏雖老尚可用晉工部尚書 請酌緩急 惡輕改作 又

張潤字汝霖晉工部尚書時大工並興漏卮乾沒百出潤躬勤省閱宿弊盡祛迺請酌緩急為先後上欣納之又曰劉宣字紹和累官南工部尚書制行務存大體惡輕改作常曰後生少年輕舉妄動利未至而害先之國家何賴焉人以為 確論 以上尚書 得中書資 有宰相望 唐書云

題有工部侍郎得中書侍郎資乎對曰陛下任賢惟所命何資之計 唐李栖筠傳云字貞一為工部侍郎魁然有宰相望 條上十事 力陳六害 山堂肆考曰宋張忠簡公闡權工部侍郎

上給札侍從臺諫條具時務公上十事時應詔數十人惟公與國子司業王十朋指陳實事斥言權倖無所回

隱明日上召兩人對內殿大加稱賞賜酒者再面授御書各一軸又曰孝宗時金人復以書來求地帝以付張浚浚言金強則來弱則止不在和與不和湯思退檜黨也急於求和工部侍郎張聞獨曰彼欲和畏我耶愛我耶直款我耳力陳六害不可許以上侍郎

工部尚書四

增貴而能貧

唐韓愈送鄭尚書序云鄭公嘗以節鎮襄陽又帥滄景德棣歷河南尹華州刺史皆

有功德可稱道入朝為金吾將軍散騎常侍工部侍郎尚書家屬百人無數畝之宅僦屋以居可謂貴而能貧仁者不富

使造傀儡

唐段綸為工部尚書奏徵巧匠太宗令試之綸使造傀儡上曰

之效也

本求巧工以供用今先為戲具豈百工相戒毋作淫巧之意耶乃削綸階

求膽姬妾

山堂肆考

曰唐穆宗時工部尚書鄭權家多姬妾祿薄不能贍因鄭注通於王守澄以求節鎮遂得嶺南節度使

兄弟代為

翰苑新書曰唐閻立本代兄立德為工部尚書兄弟相代為八座時人榮之

請

斥佞人

編年備要曰宋元符三年曾布入相御史中丞豐稷欲率臺屬論之遂遷稷工部尚書稷力丐

補外不允其謝表中有內侍已成於怨府佞人方列於奏章之語上問佞人為誰曰曾布陛下斥布則天下事

定矣 晝夜倍功

元史曰唐仁祖字壽卿遷工部尚書時丞相僧格秉政以曹務煩劇特重困之

考工部織課稍緩遽命直吏拘往督工且促其期曰違期必致汝於法仁祖召諸署長從容諭曰丞相怒在我不在爾也汝等勿懼宜力加勉衆皆感激晝夜倍其功期未及而辦 鄭善果甚著勞績

唐新語云鄭善果為工部尚書正身奉法甚著勞績

孫德淵恐傷名教

金史曰孫德淵

字子深貞祐二年拜工部尚書是時山東乏兵食有司請鬻恩例舉人居喪者亦許納錢就試德淵奏此大傷名教事

同領均分

獻徵錄曰孫需字孚吉武宗時起為南工部尚書務釐宿弊不欲以

浮冗多耗民財先是諸營建給領料價率匠魁專之莅部事者或與為市故羣匠無所得而工不可完需令匠魁及羣匠同領而均

制八輪車

又曰毛伯溫陞工部尚書奉命提督天壽

山工程諸陵石柱道遠車摧勞費千萬公以意制八輪車前後聯絡隨地險夷為低昂工作易就上聞之喜賜繡囊銀勺各一

起曹

白集授工部侍郎集賢學士制曰起曹書殿兼而委之

百工典制

常衮制曰百工惟時命汝典制

首言典學

楊龜山時為工部侍郎入對首

言自古聖賢之君未有不以典學為務以君德在是故也尋命兼侍講

紀綱繕脩之政

曲阜行制曰疇若予工汝往為允汝

侍郎中第一人

其紀綱脩繕之政杜塞淫巧之作

獻徵錄曰陳壽為工部侍郎嘗啓事退

稱冬曹大臣

上目送之顧侍臣曰此侍郎中第一人

又曰陸杰晉工部侍郎御札諭問稱

曰冬曹大臣而不名以上侍郎

工部尚書五

增箴明宣宗工部箴曰虞舜之世垂若百工暨於成周
乃設司空漢置水衡將作少府備物致用必謹其度我
朝建官列次六卿率屬有四各底於成凡諸繕作儀品
有秩辨其楛良去華就實凡厥有位宜慎其官順理而

治勿苛以殘山澤之利羽毛齒革金鑛丹漆暨木與石
為所當為毋耗於材逸所當逸毋殫其力毋縱已私縱
則名菑毋溺於賄溺則取敗必祇必勤必施以公百役
具宜惟爾之功其懋敬哉視古仁智率履勿愆用保祿
位

增制唐中宗授張錫工部尚書制曰明光畫省務總樞
要建禮仙門職維喉舌尚書左丞張錫白虹良寶紫電
雄鋒家傳鵲印之祥世襲貂冠之緒文道吐鳳思縟騰

蛟質映南金材逾東箭自提綱左轄立惟中臺奏郭奕
而無慙射崔洪而不愧紫樞佇俊彤管須賢宜陞賜劍
之榮式表委珠之潔 白居易授韋貫之工部尚書制
曰善馭者齊六轡善理者正六官六官成則百事舉故
吾選賢任舊次第補之而六卿之材吾已得五闕一不
可待汝而成汝貫之以正行明誠為先朝輔道有消長
德無緇磷及帥湘潭尹河洛廉平清一之政繼聞於京
師宜置朝右以鎮厚時風況今之尚書漢之公卿也言

動可否屬人之耳目焉固不專於率四屬程百工備位
於冬官而已 常袞授蔣渙工部侍郎制曰夫任賢之
急在適於事要當其才難豈限階序況中臺政本司舉
舊章六卿貳職為今盛選具官張渙忠信孝友周而不
器得元和之純能以禮節有至靜之妙豈因物遷溢聲
華於文藻潤理體於經術中外之秩備更要重不失其
正行之有恒自分貂蟬之列喻公卿之旨入告嘉猷直
而不訐常執德於沖約亦忘情於進趨勤職已久所宜

樾能百工惟時命汝典制

工部郎中一

員外郎附

今設營繕司

原杜氏通典曰工部郎中按晉尚書有起部曹歷代皆有具尚書中隋初為工部侍郎煬帝除侍字又改為起部郎

武德三年改為工部郎中龍朔二年改為司平大夫咸亨元年復舊其後曹名改而官不易所掌與侍郎同

員外郎 隋文帝置工部員外郎煬帝改為起部承務郎武德三年復為工部員外郎其後曹改而官不易

增六典曰工部郎中員外郎掌經營興造之衆務凡城池之脩濬土木之繕葺工匠之程式咸經度之 職員

令云工部郎中掌興造工匠諸廨舍宇五行紙筆之事
唐國史補云開元以後位卑名著者杜工部 合璧

事類曰唐蔣係遷工部郎中宰相宋申錫為北司羅織
罪在不測係與諫官崔元亮泣諫於玉階之下方得減
死時論稱之 文獻通考曰宋郎中舊制凡製作營繕
計置採伐材物按程式以示有司則郎中員外郎叅掌

之建炎三年詔工部郎官兼虞部屯田郎官兼水部隆興元年詔工部屯田各一員兼領自此四司合為一矣
宋范果以工部郎中知制誥 續文獻通考曰遼南面工部郎中員外郎並同吏部 金工部郎中一員從五品員外郎一員從六品主事二員從七品 金史曰完顏綱字正甫明昌中轉工部郎中上言太府監官兼尚食局官乞於少府監依此例注能幹官一員兼儀鸞局官儀鸞局官一員兼少府監官相須檢治從之 續

文獻通考曰元工部郎中二員員外郎二員品秩與吏部同主事五員 明工部營繕清吏司郎中一人員外郎一人主事二人掌經營興造之事以贊尚書凡宮殿陵寢城濠壇場祠廟廨署倉庫營房之役鳩工會財以時督之鹵簿儀仗樂器省其堅潔而董其竊濫凡撮工歇工視役煩省節其財力 說聽曰工部居六曹後仕進者冷局視之嘉靖間興大工添設郎官數倍營繕司尤盛郎官多至十餘員得驟升京堂或有先賜四品服

者人始慕之而為語云馬前雙馬後方督工郎雙者棍
方者杙也 獻徵錄曰陸祥擢工部郎多巧思嘗用玉
一方寸許刻鏤為方池以獻凡水中所有魚龍荇藻之
類皆備曲盡其巧

工部郎中二

增兼史職 知制誥

唐蔣係遷工部員外郎又選本司郎中皆兼史職 下見前范果

香思粉署 泣諫玉階

杜詩馨香粉署妍註公時乃工部員外郎不能詣省徒想

其官署之妍美耳 下見前

官曹為劇 郎選甚高

曲阜除張元方制云郎吏

今之高選上官號為劇曹 南豐行范子奇制云
宮室城隍程匠度材之事郎於起部其選甚高

司

帳籍

辟幕府

元稹授羅讓工部員外郎制云隋朝二十四司各置員外郎一人以司其曹之

帳籍

杜甫有詩名元宗朝以獻朝享太清宮賦拜官

祿山陷京師元宗幸蜀肅宗即位於靈武甫間闕奔詣
行在拜左拾遺因房琯罷相甫諫不納請告省家後嚴
武辟為幕府拜工部員外郎劍南西川節度府參謀官

工部郎中三

增詩唐王建贈工部郎中詩曰金爐烟裏要班頭欲待
歸山可自由每度報朝愁入閣在先教示小千牛

增制唐錢珣授京畿制置使判官兼中丞賜紫李巨川

工部郎中制曰具官李巨川夫彊學者始自為己移於
事人君齊美儒先登志士之場優入羣書之域中權之
佐前著實高多務講論直歸翼戴爾所自比我能知之
推共獎王室之心慕不以兵車之力文翰之樂迅捷若
飛雖觀者已煩而作者甚暇陪臣盡善賢帥盛稱上既
策勲下難遺賞且陞郎位如事所知理在庶官勉興墜
典常聞好古當念陟明 蘇頲授李全昌工部員外郎
制曰具官某措懷條暢臨事明允執憲繩違以文從吏

五材審用百工為職握蘭之美賜筆攸歸 元稹授羅
讓工部員外郎制曰昔陶宏景一代高人始願四十為
尚書而猶不遂國朝選署尤用其良以爾讓敏而好學
直而能溫甲乙亟登班資歷踐頃將軍辟士權資孫楚
之坐籌今會府掄材復獎馬宮之射策無忘辨護以宣
程品日省月試用勸百工

屯田郎中

員外郎附

今屯田司

原杜氏通典曰屯田郎中按漢成帝置尚書郎四人其

一人主戶口墾田蓋尚書屯田郎之始也至魏尚書有農部郎又其職也至晉始有屯田尚書及太康中謂之田曹後復為屯田江左及宋齊則左民郎中兼知屯田事梁陳則曰侍郎後魏北齊並為屯田郎隋初為屯田侍郎兼以掌儀武之事

隋書曰柳彧為屯田侍郎時以三品以上皆列戟左僕射高穎

子宏德封應國公申牒請戟彧判曰僕射之子更不異居父之戟榮已列門外尊有厭卑之義子無避父之禮豈有外門既設內閣又施煬帝除侍字武德三年加中事竟不行頻聞而歎服

字龍朔二年改為屯田大夫咸亨元年復舊掌屯田官

田諸司公廨官人職分賜田及官園宅等事 員外郎

改置與戶部員外郎同 增北史曰齊裴讓之十七

舉秀才為屯田郎中讓之弟讞之謀之訥之諷之並清
立楊愔每云河東士族京官不少裴讓之兄弟都無鄉
音 南部新書曰省中司門都官屯田虞部主客皆閒
簡無事諺曰司門都官屯田水部入省不數 六典云

屯田郎中員外郎掌天下屯田之政令凡軍州邊防鎮
守轉運不給則設屯田以益軍儲其水陸腴瘠播植地

宜功庸煩省收率等咸取決焉諸屯田役力各有程數

文獻通考曰宋屯田掌凡屯田營田職田學田官莊
稻田塘濬堤堰之事 翰苑新書曰屯田判司事一人

以無職事朝官充凡屯田之政令隸三司本司無所掌
元豐改制郎中員外郎始實行本司事 合璧事類曰

宋柳永字耆卿識音律工小詞遊諸內侍門為屯田員
外郎未有差遣會太史奏老人星見時秋霽宴禁中仁
宗命左右召詞臣為新樂章內侍屬永應制冀因緣進

用永以小詞擅名天下欣然走筆甚得意比進呈上見
首有一漸字色若不悅讀至中乃與御製真宗挽詞暗
合上慘然乃擲於地自此不復進用然至今天下稱為
柳屯田云 續文獻通考曰明工部屯田清吏司郎中
一人員外郎一人主事二人掌屯農墾塋抽分薪炭夫
役之事以贊尚書 明獻徵錄曰李堂歷營繕司員外
郎調屯田司詔修會典委造工典文冊史館所用不遺
增制唐劉禹錫授屯田郎中制曰詩云雨我公田遂及

我私蓋美大田之盛思賢主之詩人必先公而後私者
偕力而耕其來尚矣周以司徒隸職漢以侍郎訓田今
則務切如雲任專列宿總於豫政克藉公才 賈至授
宋晦屯田員外郎制曰具官某質性溫敏行能詳實再
策名於霜簡久更事於輜軒理必有常條而不紊禮闈
舉直郎署求才俾迴秋憲之威以佐冬官之屬

虞部郎中

員外郎附

今虞衡司

原杜氏通典曰虞部郎中按虞部蓋古虞人之遺職至

魏尚書有虞曹郎中晉因之梁陳曰侍郎後魏北齊虞曹掌地圖山川遠近園囿田獵雜木等並屬虞部尚書後周有虞部下大夫一人掌山澤草木鳥獸而阜蕃之又有小虞部並屬大司馬隋初為虞部侍郎屬工部煬帝除侍字武德中加中字龍朔二年改為司虞大夫咸亨元年復舊天寶十一年又改虞部為司虞至德初復舊掌京城街巷種植山澤苑囿草木薪炭供須田獵等事員外郎隋初置曹與戶部員外郎同龍朔以後

曹名改而官不易

增六典曰虞部郎中員外郎掌天

下虞衡山澤之事辨其時禁凡採捕畋獵必以其時

山堂肆考曰唐崔沔拜中書舍人時母有疾在東都沔不忍捨因請閒官以申侍養由是改虞部郎中 文獻

通考曰宋虞部掌凡山澤苑囿畋獵取伐木石薪炭藥物之屬屏絕猛獸毒藥及茶礬場鹽池井金銀銅鐵鉛錫坑冶廢置收採之事 翰苑新書曰建炎三年詔工

部兼虞部 續文獻通考曰明工部虞衡清吏司郎中

一人員外郎一人主事二人掌山澤採捕厲禁陶冶之事以贊尚書 獻徵錄曰劉汝靖陞營繕員外郎命脩秦簡王園能以禮裁抑使其國弗軼往度

增詩唐王建賀楊巨源博士拜虞部員外詩曰合歸蘭署已多時上得金梯亦未遲兩省郎官開道路九州山澤屬曹司諸生拜別收書卷舊客看來讀制詞殘著幾丸仙藥在分張還遣病夫知

增制唐白居易授李翱虞部郎中制曰具官某雅有文

藝飾以政事早從吏職久領郡符謹慎廉平頗副所任
虞曹郎缺命以序遷敬茲寵命勉守厥位 孫逖授劉
繹虞部員外郎制曰具官某緒業清華行能脩飭表通
明於吏跡持雅正於公心幕府徵才久聞成效星臺列
位宜膺俊選

水部郎中

員外郎附

今都水司

原杜氏通典曰水部郎中按周禮夏官有司險掌設國
之五溝五塗而達其道路蓋其職也魏尚書有水部郎

歷代或置或否後魏北齊有水部屬都官尚書亦掌舟
船津梁之事後周有司水大夫隋初為水部侍郎屬工
部煬帝除侍字武德三年加中字龍朔二年改為司川
大夫咸亨元年復舊天寶中改水部為司水至德初復
舊掌川瀆津濟船艦浮橋渠堰漁捕運漕水碾磴等事
員外郎 後周小司水上士隋改置與戶部員外郎
同龍朔二年以後曹名改而官不易 增六典曰水部
掌天下山瀆陂池之政令以導達溝洫堰坎河渠凡舟

檄漑灌之利咸總而舉之 梁書曰劉孝綽兼尚書水

部郎奉啓陳謝手敕答曰美錦未可便製簿領亦宜稍

習 山堂肆考曰唐員半千五遷正諫大夫兼控鶴內

供奉半千上言控鶴之職古無其事又授斯任者率多

輕薄非朝廷進德之選疏請罷之由是忤旨左遷水部

郎中李餘慶詩省中官最美無似水曹郎 舊唐書曰

張文瓘遷水部員外郎時兄文琮為戶部侍郎舊制兄

弟不許並居臺閣遂出為雲陽令 文獻通考曰宋水

部凡川瀆河渠津梁舟楫運漕水碾碓凡隄防疏濬之
政令皆掌之 續文獻通考曰明工部都水清吏司郎
中一人員外郎一人主事二人掌川瀆陂池泉灤洪淺
道路橋梁舟車織造券器衡量之事以贊尚書 獻徵
錄曰屠勲字元勲成化中授工部都水主事分司清江
浦督脩運舟持廉秉公通融物力未幾百度具興有題
詩驛亭以美其事者

增詩唐鄭谷寄前水部賈員外嵩詩曰謝病別文昌仙

舟向越鄉貴為金馬客雅稱水曹郎白鷺同孤潔清波
共渺茫相如辭賦外騷雅趣何長

增制唐薛廷珪授河中節度判官溫緒水部郎中制曰
天子省方藩后述職睦鄰事大允執厥中偃革崇儒行
成於內我知之矣彼有人焉具官溫緒懿祖考為朝廷
大臣偉望威名皆烜赫信史而爾砥節礪行脩詞立誠
抱終身之憂脫屣科第使四方之志服勤官途束帶公
朝曳裾侯府刃有餘地人無間言朕以疊結萑蒲兵纏

封域藏書之府煨燼罕存爰委藩宣為我採撫而爾能
奉綸旨來貢之書欲以先王之格言廣我視聽思列聖
人之行事規我怠荒實嘉乃心斯驗夙志爾帥具舉予
其懋遷陞之文昌授以清署用酬稱職以勸事人凡百
賓階無忘幕畫 蘇頲授王琪水部員外郎制曰具官
某奕代儒雅門傳教義風襟育粹詞韻含清雖職尚安
卑而才方致遠連枝席寵爰映於棣華起草陞榮俾光
於蘭握

六部監門

增文獻通考曰六部監門官一員古無之宋渡江後紹興二年置選陞朝文臣有才力人充仍令六部蹋逐奏差序位請給依寺監丞郎官有關得兼之初從吏部尚書沈與求之請也 朝野雜記曰尋詔依尚書左右選遷注內遷則為寺監丞或擢郎外除至有為諸路總領者乾道後補外止為州內遷止為寺監簿選浸輕矣 增記宋陳國表六部門官廳壁記曰乾道登號之七年

厥既庶職咸理趣平治上思以固其勤也有詔百執事
外而入盡未而退小大之吏罔不惟上訓是廸無或敢
有佚豫而六部實天下政事之樞綱目要領闔關在是
故奉詔益嚴非他攸司比也凡部官外未之出入疾病
之暫告與其謁制之可否悉聞之部門部門受其出入
之時以聽上稽訪門之司存蓋至是而愈重矣 又陸
垓續記曰國家官人以才儲才有地其始進而需用於
部者有二焉繇京秩則為門官繇小選則為架閣二官

資歷雖殊職閒無事則相似大抵不以才用而以才選也

六部架閣

增文獻通考曰主管架閣庫掌諸藏帳籍文案以備用擇選人有時望者為之舊有管幹架閣庫官宣和罷之紹興十五年復置吏戶部各差一員禮兵部各差一員刑工部各差一員以主管尚書某部架閣庫為名從大理寺丞周楸之請也 劉後溪曰杜莘老字起莘以珍

南一教授客中都見九重方更化因上書執政執政偉其說薦為六部架閣明年彗見東方公奏對直論當世之故語益切直 續文獻通考曰金尚書省架閣庫大定二十一年六月設仍以都事提控 元左右部架閣庫管勾二員掌六部文卷簿籍架閣之事後并為一員增記宋李大異六部架閣庫題名記曰古昔以來圖籍為重是官之建實謹其藏其任似周司書其選似漢掌故可以考閱故新尋緒本元所謂若緩而急者嘗試以

舊章參之今日雖或稍異而其歸則同舊制官庀其司
置於六部之內或遇其廢則以省郎兼之否則以監六
部門兼之迨於紹興寺監簿正官俱復然始庀司於外
一也舊制金耀門文書庫多藏三司帳籍三司今版曹
也自銓曹而下儲藏帳籍之所未之詳焉其後置六部
架閣庫下大抵成案留部二年然後舁而藏之又八年
則委之金耀今金耀無復曩日則悉藏於架閣庫二也
二者不同而至於諸曹二十四司之文書盡歸儲蓄以

待有用則今猶昔也

六部司務

增按司務古無此官 續文獻通考曰明六部各設司
務二人吏部司務主省署抄目受發文移五日一奏上
三月引監生勤奏登選諸司務皆如之

御定淵鑑類函卷八十二

欽定四庫全書

御定淵鑑類函卷八十三

設官部二十三

中書總裁
中書令

中書監
中書侍郎

中書總裁一

原杜氏通典曰中書之官舊矣謂之中書省自魏晉始
馬梁陳時凡國之政事並由中書省省有中書舍人五
人領主書十人書吏二百人

書吏不足
并取助書

分掌二十一局

事各當尚書諸曹並為上司總國內機要而尚書唯聽

受而已被委此官多擅威勢後魏亦謂之西臺

宣武帝謂中書

監崔光曰卿是朕西臺大臣

北齊中書省管司王言并司進御之樂

及清商龜茲諸部伶官隋初改為內史省置令二人侍

郎四人

煬帝減侍郎二人

舍人八人

煬帝減去四人

通事舍人十六人

煬帝加起居舍人而改通事舍人為謁者臺職唐武德

三年復中書省龍朔二年改為西臺咸亨初復舊光宅

元年改為鳳閣

凡中書官隨署名改

神龍初復舊開元元年改為

紫微省五年復舊

時謂尚書省為南省門下中書為北省亦謂門下省為左省中書為右省

或通謂
之兩省

令二人侍郎二人舍人六人左右散騎常侍起

居舍人左補闕右拾遺各二人通事舍人十六人其餘

小吏各有差 增文獻通考曰宋制中書省在左掖門

外西面北廊掌進擬庶務宣奉命令行臺諫章疏羣臣

奏請興創改革及中外無法式事取旨者凡除省臺寺

監長貳以下及侍從職事官外任監司節鎮知州軍通

判武臣遥郡橫行以上除授皆掌之凡命令之體有七

曰冊書曰制書曰誥命曰詔書曰敕書曰御劄曰敕榜

皆承制畫旨以授門下省令宣之侍郎奉之舍人行之
留其所得旨為底大事奏稟得旨者為畫黃小事擬進
得旨者為錄黃凡事於因革損益而非法式所載者論
定而上之設官十有一令侍郎右散騎常侍各一人舍
人四人右諫議大夫起居舍人右司諫右正言各一人
分房八曰吏房戶房兵禮房刑房工房生事房班簿房
制敕庫房元祐後析兵禮為二增催驅點檢分房十有
一又改生事房為開折 續文獻通考曰宋度宗咸淳

九年置機速房於中書以革樞密院洩漏兵事稽遲邊

報之弊

按舊宰相繼以門下省而主封駁之事其給事中諫議大夫起居注補闕拾遺與典儀城門符

實皆屬官也宋自紹興中廢門下省而元因之故今繼以中書省及其屬官而給事中等官仍附於中書省據屬之後通事舍人之上其間以門下省者遼所置也遼南面中書省初名政事省

太祖置世宗天祿四年建政事省十二年改中書省金初置中書省海陵正隆元年與門下省同罷元世祖至

元七年議立三省

侍御史高鳴上言臣聞三省設自近古其法由中書出政移門下議不合

則有駁正或封還詔書議合則還移中書中書移尚書尚書乃下六部郡國方今天下大於古而事益煩取決

一省猶曰有壅況三省乎且多置官者求免失政也但使賢俊萃於一堂連署叅決自免失政豈必別官異坐而後無失政乎

世祖深然之

明國初設中書省有左右相國洪武九

年改左右丞相左右丞各一人參知政事二人總領衆

職分錢糧禮儀刑名營造四部其屬左右司郎中員外

郎都事各一人中書舍人二十人是年始置吏戶禮兵

刑工六部設尚書侍郎郎中員外郎主事統於中書省

十三年罷中書省止存中書舍人

按周六官廢而秦及列國皆設丞相佐天

子理萬幾漢設一丞相以御史大夫副之後改曰大司徒東漢因立司空而權移於尚書今僕自漢至宋其省

或尚書門下中書其長或令或監或僕射其佐或叅知政事或左右丞或侍郎皆真為相而名避之南渡以後至孝宗正其名曰左右丞相其佐仍曰叅知政事元因之置中書令以皇太子為之左右丞相同品同令平章政事左右丞叅知政事叅議高皇帝即大位仍置中書省罷令不設洪武三年革平章政事十三年以丞相胡惟庸專僭誅之因罷中書省散其柄於六尚書

中書總載二

原龍池

雞樹

上見後侍郎五卞伯玉詩世語曰劉放孫資共典樞要

郭頌魏晉夏侯獻曹

肇心內不平殿中有雞棲樹二人相謂此亦久矣其能復幾指謂中書監劉放中書令孫資

西掖

右曹

上見後侍郎五劉楨詩應劭漢官儀曰左右曹受尚書事前世文士以中書在右因謂中書

為右曹又稱西掖

紫宸

清禁

上見卞伯玉赴中書詩下詳西掖注

西省

內樞

何法盛晉中興書曰范甯拜中書侍郎專掌西省宋泰始起居注曰王言之職總司清要中

將軍丹陽尹王景文夙尚弘簡情度淹粹忠規茂績實宣國道宜兼管內樞以重其任可中書令

掖

垣 綸閣

上詳西掖注禮記曰王言如絲其出如綸王珉直中書詩云高閣臨雲日險岑仰天居

又中書職掌綸誥前代詞人因謂綸閣

中書總載三

原領尚書事

漢舊儀云漢舊置中書官領尚書事按漢書百官公卿表云少府屬官有中書謁

者黃門鉤盾尚方御府永巷內者宦者八官令丞諸僕射署長中黃門皆屬焉

掌尚書事

漢書

百官公卿表云孝武帝遊宴後宮以宦者掌尚書事改中書謁者令署僕射凡宦者之職皆曰中成帝建始四年罷中書官改中書謁者為中謁者

掌機密

漢舊儀云中書掌詔誥答表皆機密之事

掌

內事

環濟要略云中書掌內事密下州郡及邊將不由尚書

非良才何可斯任

詳中書

今二

非輕才所可獨任

王獻之啓琅琊文孝王為中書監表云中書重職掌

詔命當否是寄自大晉建國常令宰相參領中興以來益重其任故非輕才所可獨任也

中書總載四

原詩齊謝元暉直中書省詩曰紫殿肅陰陰彤庭赫弘敞風動萬年枝日華承露掌玲瓏結綺錢深沈映珠網

紅藥當階翻蒼苔依砌上茲言翔鳳池鳴珮多清響信
美非吾室中園思偃仰朋情以鬱陶春物方駘蕩安得
凌風翰聊恣山泉賞 唐魏知古春夜寓直鳳閣懷羣
公詩曰拜門傳漏晚寓省索居時昔重安仁賦今稱伯
玉詩駕池滿不溢雞樹久逾滋夙夜懷山甫清風詠所
思 韋承慶直中書省詩曰清切鳳皇池扶疎雞樹枝
唯應集鸞鷟何為宿羈鳥大造乾坤闕深恩雨露垂昆
蛟既含養駘駘亦驅馳木偶翻為用芝泥忽濫窺九思

空自勉五字本無施徒喜逢千載何階答二儀螢光向日盡蚊力負山疲禁宇庭除闊閒宵鐘箭移暗花臨戶發殘月下簾歌白髮隨年改丹心為主披命將時並泰言與行俱危寄謝登巢客堯年復在斯 增唐沈佺期春夜宿直鳳閣懷羣公詩曰西禁青春滿南端皓月微千廬宵駕合五夜曉鐘稀星斗橫綸閣天河度瑣闌煙花章奏裏分向夕郎飛 又酬蘇員外味道夏晚寓直省中見贈詩曰並命登仙閣通宵直禮闈大官供宿膳

侍史護朝衣卷幔天河入開牕月露微小池殘暑退高
樹早涼歸冠劍無時釋軒車待漏飛明朝題漢柱三署
有光輝 岑參省中即事詩曰華省繆為郎蹉跎鬢已
蒼到來恒襆被隨列且含香竹影遮牕暗花陰拂簾涼
君王新賜筆草奏向明光 又西掖省即事詩曰西掖
重雲開曙暉北山疎雨點朝衣千門柳色連青瑣三殿
花香入紫微平明端笏陪鵷列薄暮垂鞭信馬歸官拙
自悲頭白盡不如巖下偃荆扉 錢起春夜寓直詩曰

養性慣雲臥為郎如鳥棲不知仙閣峻惟覺玉繩低帳
喜香煙暖詩慚賜筆題未央春漏促殘夢謝晨雞 又
和萬年成少府寓直詩曰赤縣新秋夜文人藻思催鐘
聲自仙掖月色近霜臺一葉兼螢度孤雲帶鴈來明朝
紫書下應問長卿才 李嘉祐和張舍人中書宿直詩
曰漢主留才子春城直紫微對花閣閤靜過竹吏人稀
裁詔催添燭將朝欲更衣玉堂宜歲久且莫厭彤闈
白居易中書寓直詩曰繚繞宮牆圍禁林半開閤闔曉

沈沈天晴更覺南山近月出方知西掖深病對詞頭慚
彩筆老看鏡面愧華簪自嫌野物將何用土木形骸麋
鹿心 鄭谷省中偶作詩曰三轉郎曹自勉旃莎隄吟
步想前賢未如何遜無佳句若比馮唐是壯年捧制名
題黃紙尾約僧心在白雲邊乳毛松雪春來好直夜清
閒且學禪 崔峒奉和給事寓直詩曰桂枝家共折雞
樹代相傳忝向鸞臺下仍看鴈影連夜閒方步月漏盡
欲朝天知去丹墀近明王許薦賢 皇甫曾和謝舍人

雪夜寓直詩曰禁省夜沈沈春風雪滿林滄洲歸客夢

青瑣近臣心揮翰宜鳴玉承恩在賜金建章寒漏起更

助掖垣深

蘇頲春晚紫微省直寄內詩曰直省清華

接建章向來無事日猶長花間燕子棲鵲竹下鷓鴣

繞鳳皇內史通宵承紫誥中人落晚愛紅妝別離不慣

無窮意莫誤卿卿學太常

韋應物和張舍人夜直中

書詩曰西垣草詔罷南宮憶上才月臨蘭殿出涼自鳳

池來松桂生丹禁鴛鴦集雲臺

司空曙晚秋西省寄

上李韓二舍人詩曰晝漏傳清唱天恩禁旅秋鴈親承
露掌砧隔曝衣樓賜膳中人送餘香侍女收仍聞勞上
直晚步鳳池頭姚合和令狐六員外直夜即寄上相
公詩曰霜臺同處軒牕接粉署先登語笑疎皓月滿簾
聽玉漏紫泥盈手發天書吟詩清美招間客對酒逍遙
臥直廬榮貴人間難有比相公離此十年餘

中書監一

增晉陽秋曰朱整少有名行官至中書監魏禪晉使整

與中書令劉良共為詔世祖踐祚權即用之 冊府元

龜曰荀勗為中書監與散騎侍郎阮咸論音律自以為
遠不及也疾之出補始平太守 又曰荀勗為中書監

久管機密有才思探得人主微意不犯顏廷爭故得始
終全其寵祿 又曰晉謝安孝武帝時為中書監 又

曰庾冰成帝時為中書監輔政初冰為吳國內史會蘇
峻作逆冰行奮武將軍拒峻別率張健走之乘勝赴京
師又遣將攻拔石頭城封新吳縣侯固辭不受 又曰

南齊褚淵高帝建元初為中書監時淮北屬江南無復
鰕魚或間關得至者一枚直數千錢有餉淵鰕魚三十
枚淵雖貴而貧薄過甚門生有獻計賣之云可得十萬
錢淵變色曰我謂此是食物非曰財貨雖復儉乏寧可
賣餉取錢耶悉與親族啖之少日便盡 又曰北齊魏
收為中書監武成於華林別起元洲苑備山水臺觀之
麗詔於閣上畫收其見重如此 又曰後魏高允獻文
時為中書監加散騎常侍太和二年以疾告歸其年詔

以安車召允至都拜鎮軍大將軍領中書監固辭不許
是時貴臣之門皆擁列顯官而允子弟皆無顯官列爵
其廉退如此

中書監二

原監令同車

曹嘉之晉紀云中書監令同車入朝和嶠為令時荀勗為監嶠意強抗專車而坐乃

使監令異車自嶠始也

宰相參領

詳總載

機密之要宜得其才

王隱晉書云張華字茂先為中書令加散騎常侍為中書監永平元年詔曰華體量清粹才識經濟前任中書有思謀之勤機密之要宜得其才以華為中書監加侍中

當否是寄故非輕才

詳前

中書
總裁

加典著作又定律令

王隱晉書云荀勗字公曾拜中書監加典著作與賈

充共定律令
頒下施用

事多不泄子弟管之

傳暢晉諸公贊曰華廙字長駿為中

書監時戎事多不泄廙年老病風令其子蒼草詔先時荀勗為監末年亦使息但書詔草前後相承以子弟管之自此

荀勗從遷發恚

王導表云乞得除中書監專一所司竭誠保傳惟力是視

詔曰昔荀公曾從中書監還尚書令人賀之乃發恚曰奪我鳳凰池卿諸人賀我耶願足下處之勿疑

庾亮以姻婭地嫌

晉書庾亮傳曰肅祖即位欲使亮為中書監上疏曰臣領中書則示天下

以私矣何者臣於陛下后之兄也姻婭地嫌雖太上至公聖德無私然世之喪道有自來矣悠悠六合皆私其

姻人皆有私則

天下無公矣

中書令一

原杜氏通典曰舜攝位命龍作納言出入帝命周官內史掌王之八柄爵祿廢置生殺與奪執國法及國令之貳以考政事蓋今尚書之任其所置中書之名因漢武帝遊宴後庭始宦者典事尚書謂之中書謁者置令僕射元帝時令弘恭僕射石顯秉勢用事蕭望之以為中書政本宜以賢明之選更置士人自武帝改用宦者掌出入奏事非舊制也成帝建始四年改中書謁者令曰

中謁者令更以士人為之皆屬少府漢東京省中謁者

令官

時有中官謁者令非其職也

魏武帝為魏王置祕書令典尚書

奏事又其任也文帝黃初初改為中書令又置監以祕

書左丞劉放為中書監右丞孫資為中書令並掌機密

中書監令始於此也及明帝時中書監令號為專任其

權重矣

時中護軍蔣濟上疏諫曰夫大臣太重者國危左右太親者深蔽古之至誠威權在下則衆心

慢上勢之常也今外所言輒云中書實握事要日在目前儻因疲倦之間有所割制臣見其能推移於事即亦向附之請分任衆官不使聖明之朝有專吏之名也晉因之置監令一人始皆同

車後乃異馬魏晉以來中書監令掌贊詔命記會時事

典作文書

又後魏孝文時蠕蠕有國喪帝遣高閭為書與之不叙凶事時孝文謂曰卿為中書監職

典文辭若情思不至應謝所任又曰崔光為中書令敕光為詔逡巡不作蠕如克切

以其地任

樞近多承寵任是以人固其位謂之鳳皇池焉晉置銅

印墨綬進賢兩梁冠絳朝服佩水蒼玉乘輅車

晉書曰張華為

監裴楷為令共掌機密

東晉常并其職入散騎省尋復置之宋冠

佩印綬與晉同梁中書監令清貴華重大臣多領之其

令舊選吏部尚書才地俱美者為之陳因梁制後魏亦

欽定四庫全書

御定四庫全書
卷八十三

有監令

高允字伯恭為中書令文帝重之不名呼為令公

北齊因魏制後周置

內史中大夫二人掌王言亦其任也隋初改中書為內

史置監令各一人尋廢監置令二人煬帝大業十二年

又改內史為內書後復為內史令唐武德初為內史令

常有敕而中書門下不時宣行高祖責其遲晚內史令蕭瑀曰臣大業之日見內史宣敕或前後相乖者百司行之不知何所承用所謂易雖在前難必在後臣在中書日久備見其事今黃閭初構事涉安危若遠方有疑恐失機會比每受一敕臣必審勘使與前敕不相乖背者始敢宣行遲晚之愆實由於此上善之

三年

改為中書令亦置二人龍朔二年改為右相咸亨元年

復舊光宅二年又為內史神龍元年復為中書令開元

元年改為紫微令五年復為中書令天寶元年改為右

相至德初復為中書令自隋至今皆為宰相舊班正三品大歷二年陞為從二品按令文掌侍

從獻替制敕冊命敷奏文表授冊監起居注總判省事

初學記曰案中書令漢武帝所置出納帝命掌尚書

奏事蓋周官內史之任初漢武遊宴後庭公卿不得入

始用宦者典尚書通掌圖書章奏之事其後遂罷尚書

改置中書謁者令盡用宦者故沈約宋書百官志云中

書本尚書官是也謝靈運晉志云以其總掌禁中書謂

之中書漢武時司馬遷被腐刑之後為中書令則其職

也漢書不言謁者史省文也

其官本名曰中書謁者令漢書直云遷為中書令是

史省文也宣帝時宏恭坐腐刑累遷為令明習文法勢傾內外然恭死石君防亦坐腐刑代為令

至成

帝置尚書官改中書謁者令所掌非盡權要舊任也

蓋直

為禁中官者之職非掌朝廷要事也

故謝靈運晉書云漢成帝已後無復

中書之職是也東漢初亦無其官至獻帝時魏武為魏

王置祕書令此又中書之任也

以其中書通掌圖書祕記之事故以祕書為名

魏文改祕書令為中書令魏晉以來皆置一人品第三

妙選文學通識之士為之掌王言江左更重其任多以

諸公兼之

古者宰相本是三公至魏晉中書令掌王言才望既重多以諸公兼之近世以來若三公

無其人則闕而中書當宰輔之任

近世始專其職隋文帝改為內史令

置二人

隋室諱中依周官改為內史

煬帝改為內書令

已上並出漢官及齊職儀

并五代史百官志

增文獻通考曰宋制掌佐天子議大政授

所行命令而宣之祀大神祇則升壇饗宗廟則陞阼階相禮臨軒冊命則讀冊建儲則升殿宣制及璽綬以授

太子大朝會則詣御座前進方鎮表及祥瑞未嘗真拜以他官兼領者不與政事然止曹佾餘皆贈官官制行以右僕射兼中書侍郎行令之職別置侍郎以佐之元豐寄祿為開府儀同三司

容齋洪氏隨筆曰紹興五年宣麻制除嗣秀王伯圭兼中

書令侍中中書令為兩省長官自唐以來居真宰相之位而中令在侍中上肅宗以後始以處大將故郭子儀僕固懷恩等皆為之然不與國事懿德昭之時員浸多率由平章事遷兼侍中繼兼中書令又遷守中書令三者均稱使相皆大敕繫銜而下書使字五代尤多國朝創業之初尚仍舊貫於是吳越王錢俶等十五人同時兼中書令太宗朝唯除石守信而趙普以故相拜真宗但以處親王嘉祐末除宗室東平王允弼襄陽王允良

元豐中除曹佾官制行改三使相並為
開府儀同三司元祐以後不復有之

續文獻通考

曰遼置中書令其次有大丞相左丞相右丞相而繼以
知中書省事中書侍郎中書平章事中書參知政事元
初置中書令一員銀印典領百官會決庶務太宗以相
臣為之世祖以皇太子兼之自左右丞相而下平章二
員左右丞各一員副宰相裁成庶務號左右轄參政二

員副宰相參大政

趙天麟上策略曰中書者機務之關
津天門之鎖鑰挈四海蒼生之命掌

萬春皇闕之家任之而當則奠枕磐石任之未當則瘵
官病政此實國家股肱心膂之臣也太子為天子之元

子任天下之副君又何須銀章玉帶輝一時之華按元階祕府都堂占大臣之上位名為重之實以輕之

中書令為極尊次則左右丞相平章政事左右丞參政

參議中書省事

元世祖中統元年置參議中書省事典左右司文牘為六曹之管轄軍國重事

咸與決焉

左右司郎中亦預參贊焉

元世祖中統元年中書置郎中至元

十五年分置左右司郎中員外郎都事各二員順帝至正七年又置中書議事

平章四人

趙天麟論都省行省職掌略曰臣聞車輿之樞要在於管轄衣裳之提綱繫於要領要領

不可以兼祚袂之資管轄不可以兼轄衡之用我國家內立中書外立行省防微之理亦已至矣然猶有未盡者竊見中書內省密通皇宮統餘省於上游弼聖躬於中域但當坐而論道據槐府以秉鈞寬以宅心守台司

而助化今也釐毫細務靡不相煩升斗微官亦來取決
豈非管轄兼轄衡之用要領兼社袂之資乎伏望陛下
載崇都省申以大名選才德無玷地望極清者為大中書令

中書令二

原漢書曰司馬遷既被刑之後為中書令尊寵任職武
帝以太史丞司馬談為太史公應劭曰中書令太史公
位在丞相之上天下計偕先上太史公却付丞相增
御覽曰吳志曰蔡欽字文德歷位內外以清貞顯於當
世衛尉領中書令又曰胡沖平和有文幹天紀中為

中書令 原臧榮緒晉書曰潘尼性澹退唯以著述為事永興末為中書令 晉書賀循字彥先為中書令時

朝廷凝滯皆諮焉為世儒宗 晉諸公贊曰陳准為中

書令張華為監准與華俱處機密而准雅崇華每至直日有詔書無大小輒先示華了不厝意華得詔書不以

示准 增冊府元龜曰晉張華為中書令加散騎常侍

武帝潛與羊祜謀伐吳羣臣多以為不可惟華贊成其計 原晉諸公贊曰懷帝以繆播為中書令朝事莫不

諮之人君之所取信於臣下無以尚也 晉中興書曰

肅祖以溫嶠為散騎常侍侍講太寧初手詔曰卿既以
令望忠允之懷著於周旋且文清而旨遠宜居深密今
欲以卿為中書令朝論亦咸以為宜 檀道鸞陽秋曰
溫嶠為中書令上疏曰臣才短學淺文疏不通中書之
職酬對多方斟酌禮宜非惟文疏而已自非望士良才
何可妄居斯任累辭而止 晉中興書曰褚裒授衛將
軍中書令以中書銓管詔命不宜以親居之固讓 檀

道鸞陽秋曰王洽字敬和拜中領軍尋加中書令固讓
表疏十上穆宗詔曰敬和清裁貴令昔為中書郎吾時
尚小數呼見意甚親之今所以用為令既機任須才且
欲時時相見共講文章待以不臣之義豈便任國之大
事耶宜推洽令拜固讓遂不受 王珉別傳曰珉字季
琰詔曰新除侍中王珉才學廣瞻理識清通宜處機近
以參時務其以珉兼中書令 沈約宋書曰傅亮永初
元年為太子詹事中書令專典詔令以亮任總國權聽

於省中見容神虎門外每旦車嘗數兩 增齊書曰王
延之代張緒為中書令何點歎曰晉以子敬季琰為此
職今以王延之張緒為之可謂清官後接之者實為未
易 後魏書曰任城王澄為中書令蕭贍使庾華來朝
見澄音韻道雅風儀秀逸謂主客郎張尋曰往魏任城
以武著稱今魏任城以文見美也 北史曰高允為中
書令高宗禮敬甚重謂羣臣曰如高允者真忠臣也
又曰高允拜中書令司徒陸麗曰高允雖蒙寵待而妻

子不粒高宗是日幸允第草屋數間布被緼袍高宗歎
息久之曰古人之清豈有如此即賜帛五百匹 冊府
元龜曰高允為中書令遷中書監魏初法嚴朝士多見
杖罰允歷事五帝出入三省五十餘年初無譴咎 又
曰袁翻少以文學擅美孝明孝昌中為中書令領給事
黃門侍郎與徐統俱在門下並掌文翰 唐書曰房玄
齡太宗即位為中書令第功班賞以如晦等功第一餘
皆以次封拜 又曰褚遂良拜中書令太宗寢疾召遂

良及長孫無忌入臥內謂之曰卿等忠烈簡在朕心昔漢武寄霍光劉備託諸葛亮朕之後事一以委卿又顧謂太子曰無忌遂良在國家之事汝無憂矣又曰張九齡為中書令時天長節百官多獻珍異惟九齡進金鏡錄五卷言前古興廢之道上賞異之唐記曰長孫無忌檢校中書令猶知門下省帝欲立昭儀為后無忌固言不可又曰帝嘗宴諸王召薛元超從容謂曰任卿中書寧藉多人哉俄拜中書令冊府元龜曰岑文

本貞觀中遷中書令歸家有憂色其母怪而問之文本
曰非勲非舊濫荷寵貴位高任重古人所懼撫已循心
所以憂耳親賓來賀者輒曰受弔不受賀 事文類聚
曰岑文本為中書令或勸其營產業文本歎曰吾漢南
一布衣無汗馬勞以文墨位宰相俸秩已重尚何殖產
業耶 冊府元龜曰馬周為中書令攝吏部尚書太宗
嘗賜周飛白書曰鸞鳳凌雲必資羽翼股肱之寄誠在
忠良 又曰溫彥博貞觀中為中書令性周慎不妄交

遊自掌機務杜絕賓客國之利害知無不言太宗以是
嘉之 又曰蕭嵩為中書令兼修國史在公慎密人莫
測也 又曰姚崇為中書令與宋璟進忠良退不肖賞
罰必中朝綱克舉又選補平允委用廉吏權門請託無
所復行 又曰竇威為內史令性儉素不樹產業及卒
家無餘財 唐書曰郭子儀為中書令二十四考以身
係天下安危 事文類聚曰薛收子元超拜中書令兼
左庶子帝幸東都留輔太子監國手敕曰朕留卿若失

一臂顧太子未習庶務關中事卿悉專之 又曰魏元忠兼中書令請歸鄉拜埽特賜錦袍一領銀千兩并給千騎四人充其左右手敕曰衣錦晝遊在乎茲日散金數惠諒屬斯辰 孔帖曰王及善拜內史清正自持有大臣節時二張怙寵每侍宴無人臣禮及善數裁抑之后不悅曰卿年老不宜侍遊宴及善即移病月餘后不復問及善歎曰中書令可一日不見天子乎遂乞骸骨不許改文昌左相同鸞臺三品 又曰裴炎改中書令

舊制宰相議事門下省號政事堂長孫無忌以司空房元齡以僕射魏徵以太子太師皆知門下省事至炎以中書令執政故徙政事堂於中書省 又曰張嘉貞始為中書舍人崔湜輕之後與議事正出其上湜驚曰此終其坐後十年而為中書令 又曰嘉貞薦苗延嗣員嘉靜呂太一崔訓皆位清要日與議政事當時語曰令君四俊苗呂崔員 又曰蕭至忠為中書令時宗楚客懷姦植黨而韋巨源楊再思李嶠務自安無所弼正至

忠介其間獨不詭隨時望翕然歸重帝亦曰宰相中至忠最憐我 又曰裴度拜中書令上已宴曲江度不赴帝賜詩 元史曰耶律楚材為中書令事無鉅細皆先白之帝南征克汴梁親執觴賜楚材曰朕之所以推誠待卿者先帝之命也非卿則中原無今日矣時西域諸國及宋高麗使者來朝帝指楚材示之曰汝國有如此人乎皆謝曰無有殆神人也

中書令三

原專車 隔坐

上詳中書監二 吳錄曰紀騰字子上景皇時騰父亮為尚書令騰為中書令

每朝會以雲母屏風隔其坐

望士

勝會

上詳中令二 晉陽秋曰王獻之少而標邁不

循常貫而撮其勝會故為中書令

典詔命

宣國道

上詳中令二 下見中書總內

注樞 參時務

典史書

上詳中令二 晉令曰中書為詔令記會時事典作史書也

立為頌

共講文

崔鴻後趙錄曰徐光字季武頓丘人幼以文才年十三王陽攻頓丘

掠之而令主秣馬光但書柱作詩賦左右以白勒勒令名光付紙筆光立為頌賜衣服遷為中書令 下詳中

令 貴幸傾朝

尊寵任職

漢書曰石君防與宏恭皆少坐腐刑為中黃門以選

為中尚書宣帝時任中書官以恭為令君防為僕射恭死君防代為令貴幸傾朝百僚皆敬事 下詳中令二

才學廣瞻

文旨清遠

並詳中令二

意性調美 情度

淹粹

薛瑩條列吳事曰吳冲意性調美心趣解暢有刀筆關於時事為中書令雖不能匡矯亦自有守不

苟求容媚

下

增風儀秀逸

進止雍容

上詳中令二 事文

詳中書總二

類聚云唐温彦博遷中書令彦博善於宣吐每奉使入朝召問四方風俗承受綸言有若成誦聲韻高朗響溢殿廷進止雍容觀者拭目高祖嘗讌朝臣詔太宗諭旨既而顧謂侍臣曰何如温彦博其見重如此 二

員相逼

四俊見稱

孔帖曰張嘉貞初為兵部張說已為侍郎及皆相說位其下議論無

所讓故說不平後嘉貞出為幽州刺史說代其處嘉貞銜悔謂人曰中書令幸二員何相逼耶 下詳中令二

創綠野堂

進金鏡錄

事文類聚云裴度徙東都留守加中書令時閭豎擅威天

子擁虛器度不復有經濟意乃治第東都又於午橋創別墅號綠野堂與白居易劉禹錫為文章把酒窮晝夜相歡不問人間事

下詳中令二

命停嚴鼓

索焚表章

事文類聚曰太宗車

駕征遼中書令岑文本卒帝親臨視撫之流涕其夕帝聞嚴鼓三聲曰文本殞逝情深惻怛今宵夜警所不忍聞命停之又云馬周為中書令臨終索陳情表章帙手自焚之慨然曰以官案彰君之過求身後之名吾弗也為也

中書令四

原處機密

詳中令二

掌機管

王洽集辭中書令表云竊以中書職掌機管有由來矣漢

武之世始建此職歷代時宜置廢遂重武帝朝荀勗張華並為其任中興以來宰相居也

俱處機

欽定四庫全書

御定四庫全書
卷八十三

三

密

晉諸公贊曰裴楷為中書令加侍中與光祿大夫張華俱處機密楷有時望而華獨開府時皆貴之華不

敢受尋進楷開府也

便居顯要

檀道鸞陽秋云王洽為中書令時年二十九將辭免兄王胡之

遺之書曰昔大將軍事故吾年二十九在烏衣宅諸文臺門詣謝還北窓牀上悲歎曰今出求為貧賤不可得

弟今二十九便居清顯要任敢不敬以先旨為弟啓義讓之路也

奕世

晉陽秋曰王獻之為中書

令為一時風流之冠卒以王珣為中書令世謂之大王令小王令也珣父洽又嘗為此官珣復繼之時人以為

奕世

一時之美

劉譙之晉記云中書令王獻之卒贈太常以侍中王珣代之皆一時之美

也

清雅正事

王敦集表云中書令領軍庾亮清雅正事中書監領軍如故

增中

書五郎

晉諸公贊曰陳准為中書令省中號中書五郎

自後缺位

事文類聚曰元宗時

宰相蕭嵩加中書令自張說為中書令後

掌文誥職

又曰張九齡一代詞宗為中書令引韋陟為中書舍人與孫逖梁陟對掌文誥時人以為美談

開國

舊勳

又曰宋趙普端拱初三入相稱疾上表致仕以普為西京留守河南尹加中書令太宗賜手詔曰開

國舊勳惟卿一人而已

台樞令德

又曰王旦罷相薨翰林學士承旨李

淮等奏議曰太尉王旦踐歷台樞將二十年紀律用張方夏咸服藹然令德洽於民瞻贈太尉中書令

中書令五

原墓志梁簡文帝中書令臨汝靈侯墓志銘曰昔太祖時其惟宣武講道開天儀嵩作輔是曰邦茅籍規承矩

如康嗣衛似禽居魯息轡巖隈塗窮夜臺靈檐永闕松
路方開草茂故轍松插新枚月明泉暗暑往寒來 梁
元帝中書令庾肩吾墓志曰荆山萬重地產卞和之玉
隋流千仞水出靈蛇之珠故能脣茲屈景育斯唐宋掌
庾命族世濟琳琅遂昌開國蟬聯冠冕父易高尚其道
肥遯貞吉闕吏早逢夙表真人之氣少微晚映還彰隱
士之星肩吾氣識淹通風神間逸鐘鼓詞林笙簧文苑
入為度支尚書任同北斗錫韓稜之劔朝比南宮識鄭

崇之履余以其為人也瑚璉之器無慚垂棘杞梓之材
有均廊廟故贈散騎常侍蓋旌賢也 張纘中書令蕭
子顯墓志曰君狀貌丘墟風神磊落閒澹動於容止英
奕發於流盼筆鋒席上皆如素蓄切問近思見稱閑敏
帝嘗顧問君曰我撰通史若成衆史可廢乃荅詔曰仲
尼贊易道黜八索述職方除九邱聖製符同復在茲日
儲君育德少陽情協陳阮親□妙思式表玄石

原表宋謝莊讓中書令表曰伏惟陛下登取震維臨齊

璿政澤與風翔恩從雲動臣聞璧門天邃鳳沼神深絲綸王言出納帝命自非望允當時譽宣庠塾未有謬垂曲寵空席茲榮在於平壯猶不可勉況今縣痼百志俱淪

增制唐蘇頲行張說中書令制曰咸有其德委廊廟之元宰知無不為歸掖垣之成務燕國公張說含和育粹特表人師懸解精通見期王佐故能深而不竭久而彌芳宣大號於紫宸潤昌圖於清禁我憑柱石爾作鹽梅

行姚崇紫微令制曰黃門天之紫微地在清禁宰臣
為重庶政攸先不有殊才曷云兼寄梁國公姚崇河山
粹氣禮樂清英德量在寬公心益厚詞必體要行之自
遠學以窮微志於可大允茲忠謹光我謀謨聞善若驚
欲仁斯至衣冠以為著蔡廊廟資其柱石朕之欽者管
樂人之傑者蕭張遂能以身許國開物成務邦是用乂
期惟得賢北辰環拱西垣近密俾因題劔之榮式演如
絲之命 宋韓通贈中書令制曰易姓受命王者所以

狗至公臨難不苟人臣所以明大節具官定交霸府委
質前朝荷戈共歷於艱貞錫壤迭分於戎律朕以三靈
睠祐百姓樂推言念元勲方酬異渥蒼黃遇害良用憮
然追升浴鳳之池式表潛龍之舊

中書侍郎一

原杜氏通典曰中書侍郎漢置中書領尚書事有丞郎
魏黃初初中書既置監令又置通事郎

魏志曰掌詔草
即漢尚書郎之

位次黃門郎黃門郎已署事過通事乃署名已署奏以

入為帝省讀書可後改通事郎為中書侍郎晉置四員

及江左初又改為通事郎尋復為中書侍郎其職副掌

王言更入直省五日從駕則正直從次直守

張華兼中書郎從駕

征鍾會掌書疏表撰

又荀勗奏始中中書郎張華王

濟猶尚自起草及後遂失舊體

又華廙為人弘雅加

以名家子孫以婦父盧毓典選至三十五為中書通事郎

宋中書侍郎進賢一梁冠

介幘絳朝服用散騎常侍為之齊梁皆四人梁以功高

者一人主省内事陳因之後魏北齊置四員隋初為內

史侍郎亦四員煬帝減二員改為內書侍郎唐初為內

史侍郎武德三年改為中書侍郎龍朔以後隨省改號

而侍郎之名不易

舊制正四品上大
歷二年陞從三品

員二人掌侍從獻

替制敕冊命敷奏文表通判省事

初學記曰案敘中

書侍郎魏官也又環濟要略曰中書有令僕射丞郎謂

西漢時也又案衛宏漢舊儀曰漢置中書領尚書匈奴

營部一郎民曹一郎謁者一郎此則中書郎已聞漢代

記傳無明文莫知廢置之由矣沈約宋志云晉改通事

郎為中書侍郎蓋此始也

按魏志司馬宣王辟王伯興
擢為中書侍郎亦明帝時據

此中書侍郎起魏代沈約宋書云晉改似謬也

案隋初改中書省為內侍省隋

末改為內書監唐初又改為內史省龍朔二年改為西

臺光宅初改為鳳閣開元初改為紫微其侍郎各因臺

閣改易為名

若鳳閣則名鳳閣侍郎其舍人以下皆倣此

增六典曰中書

侍郎掌貳令之職凡邦國之庶務朝廷之大政皆參議

焉凡臨軒冊命大臣令為之使則持冊書以授之凡四

方來朝臨軒則授其表疏升於西階而奉之若獻贄幣

則受之以授於所司 文獻通考曰宋制侍郎掌貳令

之職參議大政授所宣詔旨而奉行之官制行以尚書
右僕射兼又別置侍郎以代參知政事建炎初復改侍
郎為參政

中書侍郎二

原魏志曰明帝詔舉中書郎謂吏部尚書盧毓曰得其
人與不得其人在盧生耳選舉莫取有名有名如畫地
作餅不可噉也毓舉韓暨敦篤有至行帝乃用之王
隱晉書曰華表子簡字奉駿有智器文藻官至中書郎

又曰陳壽舉孝廉為著作郎與張華友善華當啓轉

中書郎荀勗黨疾壽華語吏部出為長廣太守 臧榮

緒晉書曰夏侯孝若為野王令居邑累年朝野多歎其

屈除中書郎 曹嘉之晉紀曰汝南史曜為山濤所知

曜字季茂父為征南府小吏鄉人周浚一見曜而友之

配之妹官至中書郎 晉書曰裴瓚字國寶楷子風神

高邁為中書郎出入禁門見者皆肅然改容 增晉書

曰衛瓘為中書郎時權臣專政瓘優游其間無所親疎

為傅嘏所倚重謂之甯武子

原晉中興書曰范甯字

武子少好學多所通覽為臨淮太守徵拜中書郎專掌

西省以職在機近固辭不許多所獻替有益治道 晉

起居注詔曰今之士大夫多不樂出宰牧而好內官今

皆先經外郡治民著績然後入為常伯中書郎 沈約

宋書曰王微與弟綽書曰闔門皆蒙時私吾高臥家巷

遂至中書郎此足以闔棺也 王濛別傳曰濛字仲祖

為中書侍郎在職四年無對首尾如一人又遷司徒左

長史少選四人年頗滿以濛難與比肩故也 增冊府

元龜曰宋江智淵為中書侍郎愛好文雅辭采清贍世祖深相知待恩禮冠朝時譙私甚數多命羣臣五六人遊集智淵常為其首同侶未及前輒獨蒙引進 又曰

殷景仁為中書侍郎臥疾者五年雖不見上而密表去來日中以十數朝政大小必以問焉形迹周密莫有窺其際者 又曰景仁為中書侍郎於國典朝儀舊章記注莫不撰錄識者知其有當世之志 又曰南齊張融

太祖時為中書郎帝手詔賜融衣曰見卿衣服粗故誠
乃素懷有本視爾藍縷亦虧朝望今送一通故衣服謂
雖故乃勝新是吾所著已令裁減稱卿之體并履一量
又曰王融為中書郎武帝以其才辯使兼主客接魏
使房景高宋弁并見融年少問主客年幾融曰五十之
年久逾其半 又曰王融為中書郎世祖幸芳林園楔
宴朝臣詔融為曲水詩序文藻富麗當世稱之 又曰
梁王峻天監中為中書侍郎高祖甚悅其風采與陳郡

謝覽同見賞擢 又曰任昉雅善屬文尤長刀筆才思
無窮遷中書侍郎高祖霸府初開以昉為驃騎記室梁
臺既建禪讓文誥多昉所具及踐祚拜黃門侍郎 又
曰丘遲為中書郎待詔文德殿武帝著連珠詔羣臣繼
作者數十人遲文最美 又曰陳姚察為中書侍郎歷
嘉德宣明二殿及東宮三學士每有制述多用新奇專
志著書白首不倦 北史曰趙彥深諷朝廷以子堅為
中書侍郎頗招物議時馮子琮子慈明祖廷子君信並

相繼居中書故時語云馮祖及趙穢我鳳池 冊府元

龜曰後魏高遵為中書侍郎與游明根高閭李沖入議
律令親對御座時有陳奏以積年之勞賜粟帛牛馬

又曰朱延雋為中書侍郎宣武專心釋典不事墳籍延
雋上疏諫 又曰趙逸為中書侍郎太武神麌三年三

月上已帝幸白虎殿命百僚賦詩逸製詩序時稱為善

又曰崔光本名孝伯歷中書侍郎甚為孝文所知待

嘗曰孝伯之才浩浩如黃河東注固今日之文宗也

又曰高閭為中書侍郎軍國書檄詔令碑頌銘贊百有
餘篇其文亦高允之流世稱二高 又曰魏收兼中書
侍郎季秋大射普令賦詩收詩末云尺書徵建鄴折簡
召長安王文襄壯之顧諸人曰在朝今有魏收便是國
之光彩 隋書曰元善拜內史侍郎上每望之曰人倫
儀表也凡有敷奏聲氣抑揚觀者屬目 冊府元龜曰
薛道衡開皇中為內史侍郎高祖每曰薛道衡作文書
甚稱我意後善其稱職謂楊素牛宏曰道衡老矣驅使

勤勞宜使其朱門陳戟於是進位上開府 又曰虞世

基為內史侍郎煬帝重其才親禮逾厚專典機密 孔

帖曰溫彥博遷侍郎高麗貢方物高祖欲讓而不臣彥

博執不可曰遼東本周箕子國漢元菟郡不使北面則

四夷何所瞻仰帝納之而止 冊府元龜曰岑文本為

中書侍郎儲宮初建名士多兼領宮官太宗亦欲令文

本兼攝文本固辭曰臣以庸才久逾涯分守此一職常

懼滿盈豈宜更忝春坊以速時謗乃止 唐書曰郭正

一永淳二年除中書侍郎正一在中書累年明習舊事
兼有詞學制敕多出其手當時號為稱職 又曰崔沔
拜中書侍郎或謂沔曰今之中書皆是宰相承宣制命
侍郎雖是副貳但署位而已甚無事也沔曰不然設官
分職上下相維各申所見方為濟理豈可俛默偷安而
為懷祿士也自後每有制敕及曹事沔多所異同 孔
帖舊史曰薛元超高宗時為中書侍郎特承恩遇嘗召
入與諸王同預私讌又重其文學政理之才曾謂元超

曰長得卿在中書固不藉多人 冊府元龜曰劉祿之

則天朝拜中書侍郎時軍國多事所有詔敕獨出祿之
構思敏速皆可立待 又曰蘇味道為鳳閣侍郎味道
前居相位數載竟不能有所發明但脂韋其間苟度取
容而已故時人號為蘇模稜 又曰蘇頲開元初為中
書侍郎時李乂為紫微侍郎與頲對掌文誥他日玄宗
謂頲曰前朝有李嶠蘇味道謂之蘇李今有卿及李乂
亦不謝之 又曰張鎬為中書侍郎時朔方興戎帝注

意將帥以鎬有文武才業命兼河南節度使持節都統
淮南等道諸軍 又曰裴度為中書侍郎先是德宗朝
宰臣歸私第百官不敢及門度以方討不庭宰臣宜日
接多士冀有所聞因奏請私家通賓客帝方屬意許之
四方布衣得以策畫干丞相至今宰臣私第接士因度
之請也

中書侍郎三

原躍池 入室

上見卞伯玉赴中書詩 何法盛晉中
興書曰王濛字仲祖恬暢能言名理善

隸書與劉悛為中書郎太宗輔政濛悛並數侍接對每為入室之賓悛字真長少清峻時人以濛比袁曜卿以

悛比荀

專掌

無對並詳侍

軌制

書檄

何法威

奉倩

書曰孔演字元舒晉國建興與庾亮俱補中書侍郎於時中興肇建庶事草創演經學博通又練悉舊典朝儀軌制多取正焉由是元明二帝親愛之嵇氏世家

至

行

直言

上詳侍郎二

晉中興書曰范甯拜中書侍郎時烈宗雅好文學而明習五經甚見親愛

朝廷擬議輒諮訪之甯指朝士直言無諱

鍾表

卞詩

郭頌魏晉世語曰

侍郎虞松作表再呈不可意今松更定之經時竭思不能改心存形色中書郎鍾會察有憂色問松以實對會取草視為定五字松悅服以呈景王景王曰不當爾耶松曰鍾會耳王曰如此可大用真王佐才也卞伯玉

有赴中書詩

五字

片言

上詳鍾表注陸士衡轉中書侍郎齊王收士衡付廷尉士衡

出後謝表曰臣以職在中書制命所出而臣本以筆札見知慮逼迫不獲已乃詐發內妹喪出就弟雲哭泣受弔片言隻字文不闕其間

中書侍郎四

原掌詔書

魏志云黃初中改秘書始置通事郎掌詔草也

掌密詔

環濟要略云中書掌

宮內密詔有今僕射丞郎

職典禁闈

曹毗集王仲祖誄云入管中書職典禁闈藻蔚華幄芳逸

雲張華掌書疏張華別傳云大駕征鍾會華兼中書郎掌書疏表檄文帝善之還乃即真

也陸機以文學轉王隱晉書云陸機字士衡以文學轉中書郎

大事及

議多見施行

又云李重遷中書侍郎每大事及疑議輒參以經典處決多見施行

論釋

多見稱述

晉書云庾亮中興初拜中書郎領著作侍講東宮其所論釋多見稱述與溫嶠俱為天子

布衣之好時帝方任刑法以韓子賜皇太子亮諫以申韓刻薄傷化不足留聖心太子甚納焉

王濟

少有俊才

文士傳云王濟字武子少有俊才起家為中書郎

王濟有文章

起

居注云武帝詔曰駙馬都尉王濟忠篤好學問有文章器幹其以為中書侍郎

增品第四特

預宴

孔帖曰于志寧為中書侍郎太宗嘗宴近臣問志寧安在有司奏敕召三品志寧品第四帝悟特詔

預宴 犯吾鱗裨闕失

又云杜正倫進中書侍郎與韋挺虞世南姚思廉論事稱旨帝設宴

具召四人者謂曰我聞神龍可擾以馴然爾有逆鱗嬰者死人君亦有之卿屬遂犯吾鱗裨闕失朕豈慮危亡

哉思卿至意故舉酒以相樂也各賜帛有差

美官

又云蘇頌起為工部侍郎帝問宰臣有自工部

侍郎得中書侍郎乎對曰陛下任賢惟所命何資之計乃詔以頌為中書侍郎帝勞曰方美官缺每欲用卿然宰相議遂無及

諫東西兩朋

又云郝處俊為中書侍郎高宗御殿觀醵時京

城四縣及太常音樂分為東西兩朋帝令雍王賢為東朋周王潭為西朋務以角勝為樂處俊諫曰臣聞禮所以重童子無誑者恐其欺詐之心生也伏以二王春秋尚少意趣未定當須推多讓美相敬如一今忽分為二朋遞相誇競非所以道仁義示和睦也

中樞

白居易易除裴均

中書侍郎制曰宜登中樞以副翥望

中書侍郎五


原詩魏劉公幹贈徐幹詩曰誰謂相去遠隔此西掖垣
所限清切禁中情無由宣思子沈心曲長歎不能言起
坐失次第一日三四遷步出北寺門遙見西苑園細柳
夾道生方塘含清源輕葉隨風轉飛鳥何翩翩 齊下
伯玉赴中書詩曰大方信包容優渥遂不已躍鱗龍鳳
池揮翰紫宸裏 唐太宗餞中書侍郎來濟詩曰曖曖
去塵昏灞岸飛飛輕蓋指河梁雲峰衣結千重葉雪岫
花開幾樹芳深悲黃鶴孤舟遠獨歎青山別路長聊將

分袂霑襟淚還用持添離恨觴

原表梁庾肩吾為寧國公讓中書表曰臣聞陟彼太行
伯厚之車屢怠望茲吳坂少游之馬難躋是知美非流
水立致摧轅駿靡浮雲便期頓轡起登天漢寧培九萬
之風坐濟星橋非使千年之翼豈有幼稱辯慧足對元
禮弱標俊穎能嘲子淑玉重組長空見休寵深宮遽宇
孰知懷憂

增制唐蘇頲行薛稷中書侍郎制曰慶傳於家者代濟

其美才許於國者時無與讓開國男薛稷公貞性成仁
和道勝坦然之量羣物不干其靜穆如之風九流不測
其度頃罹多難克仗嘉謀翼戴朕躬保寧王室厥功茂
矣朝廷賴焉俾廻踐於綸闈以增輝於鼎席 又孫逖
行徐安貞中書侍郎制曰清才特達雅量深沉為德行
之宗師是文詞之雄伯頃司水土兼典圖書博綜維精
彌綸有敘王言是屬公議攸歸宜增秩於五字俾齊名
於三八



御定淵鑑類函卷八十三